

兩
浙
輶
軒
錄

兩浙輶軒錄卷二十三目

周 昱 徐德元 韓錫胙 周天度 盧文弨

錢 載 錢汝誠 周嘉猷 沈 心 戴國英

何國良 蔣宏道 王曾永 汪上坤 王曾祥

陳兆崙 趙 昱 汪 臺 金德瑛 顧之麟

陳豫誠 金文淳 張 果 陳景鐘 吳可馴

張世榮 汪 憲 張 燾 葉世度 王曾厚

張 崗 戴王祥 馮兆觀 李 集 馮 浩

程 燾 梁肯堂 王 誥 孫宗濂

兩浙輶軒錄卷二十三

督學使者阮元訂

周

昱字青原號依堂錢唐人乾隆丁卯

翟灝詩集序畧曰依堂自總角孤露奉賢母之教修門內之行自置仕何曾荀顗一流而不欲空文自見故其蚤年篇什大抵多逸不存逮末年捧檄軍營深涉絕域慨然思斷樓閣繫郵支南征蒼洱雲門江楓等集皆甲戌後行旅作也時以負米之役不憚馳驅風塵促刺踰越萬里適上之力沈鬱之思冲融聯達之襟抗慨激昂之氣隨境觸呈奕奕紙墨不雕琢而工不撝拾而瞻不屏顏詰曲而奇蓋才有兼綜而神有獨詣也朱文藻曰吾友孫志浩養吾與周次球交厚次球之父即青原先生也先生署銅梁縣時值金川用兵辦理軍需局事浚於僧格宗營未竟於用人咸惜之卒後遺詩為先生之弟補堂所藏補堂秉鐸蒼嶺之署中今歲采詩之從孫君郵書千餘里索得全稿俾采錄之孫君又為余言次球諱璜杭郡諸生早卒遺稿一冊在朱青湖彭家青湖厄於火詩之被燬者甚夥而次球之集與焉語頃不勝悵悵

南陽

禾黍離離野半陰鬱葱佳氣久銷沉名家將相風雲散原廟

衣冠父老心十世炎精何處問千秋漢臘此中深湯湯白水
還東折猶似當年翠羽臨

登襄陽郡樓

莽莽荆襄割據州夕陽西下獨登樓峴山曉翠當窗入漢水
寒湖抱郭流放眼關河紛故壘驚心風物逼新秋杜康臺在
煙雲裏一醉江頭狎白鷗

雨次樂鄉關

萬壑排雲出孤村抱郭幽雨深斑竹嶺風急白蘋洲灘響夜
方壯螢光濕不流鄉關應最樂無那旅中遊

接船巖

絕壁立萬仞大江走其下灘高峽束盤洪濤若奔馬有壑當
奇衝谿衍出廣廈危椒森天戈怒激水倒瀉連檣綠蟻行欲

語口先哆險絕心骨摧浩歌淚盈把永念垂堂言敢告後來者

鎮遠寄家書

屋外蕭蕭班馬聲水程纔了又山程庭幃夢裏增衰白兒女年來半死生有弟應知人各瘦離家幾見月將盈平安兩字吟成苦珍重雙魚莫亂烹

聞翁麟徵祥旅櫬歸里

二更月上樹啼烏望斷西風鶴影徂我已無舟傾范麥君還有夢到黃墟卅年事業三秋葉八口生涯六尺蒲多謝江城老司馬爲收幽骨葬重湖

櫟榆雜詩

列嶽天南望秩同橫空削就玉芙蓉曉風吹上白雲墮露出

青青十九峯

點蒼山蒙氏
曾封爲中嶽

聲聲布穀喚長纜
百里波光啟鏡函
天到榆城暄色早
試燈風裏試春衫

料峭東風釀暮寒
鴨頭新漲綠漫漫
春遊不唱楊枝曲
別有夷歌打草竿

隊隊明璫出薜蘿
木蘭舟散采菱歌
河干七月松明會
紅藕

花中白紵多

松明會里人形
昭妻寧北妃也

得阮初白

曙

書詩以代柬

萬里天南記昔遊
三年官閣共淹留
分題多在涵青舫
被酒同登寫韻樓
招得殘魂歸絕域
不堪蓬跡復他州
江鄉鰕菜由來好
何日同君狎野鷗

上已後二日孔荂谷

繼涵

孔攄文

廣作

招同孔腴源

繼

浩寶立菴

識

施養幾

湖

馮蓼洲

映槐

讌集張曲山莊

用白香山青旗沽酒趁梨花爲韻分得酒字

東風著意催楊柳柔條綠到青川口游絲嬌鳥媚春晴滑笏
波紋淨塵垢名園近對嶧山開翠黛烟鬟列窗牖暄妍天氣
慙招尋鳥帽青衫從兩牡柴門徑僻晷勾通一曲迴溪帶左
右短牆低露接枝花小沼新栽並帶藕石几蒼苔不世情布
席傾觴剪春韭流連景物忽傷懷淪落風流歎衰醜握成拱
壁泣荆山著就元經覆醬瓿千秋萬歲知者誰名士登臨悲
峴首落花如海爛當筵況有忘形山水友世人但識五鹿耶
博徒頗知彥道否吾曹偃蹇類野鶴何論雞口羞牛後如此
風光不醉歸流鶯笑人多孤負諸君作歌我擊缶今日應須
盡八斗玉壺還有梨花酒

遊千佛山

秋清天日佳杖策踏危磴烟巒媚塵顏岡阜互盤亘微聞檜
柏間輕風送孤磬遂尋招提塗名藍據絕勝巖奇鬼斧開洞
黑神龍孕蓀苔絡佛頭猿鳥識禪定有閣俯層空大千可一
凭明湖藐潢汙華鵲皆妾媵村墟雜市廛羅列紛匳釘生平
瞻望懷到此愜幽興未知腰脚疲坐愁山日暝歸途何所攜
白雲可持贈

褒城縣

行盡褒斜出漢南漁梁解舍舊曾諧楓經霜老紅遮寺潦淨
秋空碧照潭萬里客程催白髮五湖鄉思負黃柑來時記者
羅衣薄又換征裘上短驂

徐德元

字達三號芷堂烏程人乾隆丁卯舉人官漢州知
州著述堂文稿香雨叢談戎疆瑣記燕中草蜀中

草官箴詩蜀

中名勝詩

陳焯曰按行畧德元先以秋海棠詩名噪都下及官蜀
中值金川跳梁於冷積督臺站遇巡撫見而問日能詩
彭山令卽汝乎遂調隨營辦事奏名以
同知陞補署寧遠府任漢州傷足告歸

麀角解歌

萬族蔓衍物紘垓亥章隸首莫能計古皇周物觀其通蠶繭
牛毛紆絡致鳥獸希珖蟲振俯秋駕爲鼠春燕睇變化遞嬗
本自然剖斷一一窮根抵經生耳食少所見不出戶庭詫多
識山海莫識刑天訛爾雅幾受螭螭累巧婦爲鴟麀爲麀見
秦駝謂馬腫背月令麀鹿分候占掎掖衆說如櫛比
聖學該治超古初證以角解俱北至復緬經訓理則邵陶陰
或謬蚪與隸是時三十有二載日當亞歲天心會
南苑有獸名曰麀差大于鹿亦其類迺

命虞人趨往觀雙題宛已作墮勢手不必摘目與謀遠巡半
偏倏若蛻枝格鬚髯雕盤陳再拜

丹墀以狀對

帝曰吁哉古所云兎園沿襲匪無自虞虞虞虞虞虞如瞽
模象圖索驥貴耳賤目徒師心口授指劃等兒戲蟲魚訓詁
尙如此議禮聚訟何足怪研朱五夜天文揮岳立雲垂風雨
快虎觀頓釋博士疑鴻都宜正曲臺字

聖心撝挹尊古經

命勿改作存其義

申命羲和汝欽哉著諸靈臺大事記懿夫

聖人猶化工端倪觸處相流示天何言哉

聖何心消長乘除默與契庶物微應無時無千載一時數所

值此塵若不遭

盛明辟塵祗足供清話陋儒綿蕞棄不收稿首空山齒誰挂

韓錫胙

字介圭號淵巖青田人乾隆丁卯

西雜記韓湘嚴太守宰江南俸滿抵京得見子舅氏
齋中軀幹豐重而言語清快象緯醫卜諸術藝無不精
核竄穿見余方髫髻喜弄文墨出所著滑稽集見贈集
中如貌左貌國語貌韓非子貌莊貌史記具有神似處
所云貌者徵詞也酒酣益自矜詡告余云青田劉誠
意後區區一人而已語罷狂笑不已其自負如此
陳焯曰錫胙天才亮拔所至有聲尤以興水利為務詩
古文皆卓絕於時其滑稽集以余所見之本蓋刻而未
定卷帙者

白岸

嵐深藏青田村古惟白岸輕橈破天碧細路踏草亂漣漣石
橋曲關關林鳥喚橘柚列疇千湖塘分野半烟林隱茅宇點
綴落陸畔籬斜春筍透篴滴流泉散汲女鬢搖花牧豎衣及

肝誰云皇古邁歎使塵氛判趨庭聽傳詩論山示月旦小子
汝記取謝公夙瞻玩忍令游踪湮徒誦文辭榮養老課耕稼
卜鄰况幽晏舍此將奚歸蹉跎起三歎

陶祠

層壘山難盡淵明却賦歸興因新秫酒家有舊柴扉祠瓦藤
穿漏碑書斧礪稀滔滔江水濶誰覺折腰非

癸巳暮春作

舊見人嗟老年來老及身浮雲觀處幻急浪聽中頻字畏蠅
頭密義宜菽乳親莫談鄉井事悲喜總沾巾

清興何曾減無端禮作翁大都三十載別是一時風女鬢年
年易伶歌處處工可憐琴酒侶多半白楊中

歸青田

故鄉夜夜夢魂飛今聽鄉音果是歸順水輕橈行尚緩當門
小樹看成圍田園蕪廢慙元亮親舊都來訪令威指點趨庭
讀書處不堪剪燭對麻衣

劉文成公祠兼贈劉氏族姓

碧雲四覆曉山平蒼鼠松梧下翠甕誰使斯民開後覺帝爲
天下屈先生庭階揖讓孫枝滿琴酒流連子夜清石室遺書
今在否好拚半月坐寒檠

周天度

字心羅一字讓谷號西隱仁和人乾隆

杭州府志天度年十六始讀四子書畢父經邦住唐棲
鎮遠館歸絕不一問里中人中有中也養不中之誦天度
聞而耻之決意入會城受業陳兆崙之門鍵戶攻苦夜
分不休經史子集靡不窮究甫三年而學大成乾隆庚
午舉鄉試第一壬申成進士文名噪于京師詩賦文詞
四方傳誦初宰饒陽調清江陸主事出守許州所至輒
有循聲其詩充蔚豪健跌宕可喜雅不欲多存其存者皆卓乎可傳者也

陳兆崙十誦齋集序畧曰吾師理齋周先生子從祖姑
出也吾師率讓谷款予齋門抑其項令拜曰吾將有新
安之行以是兄付汝有不率則撻之余惶悚受命時余
以時文授受禁諸少年毋泛覽一日案頭文選忽失所
在索之急羣指讓谷嘗竊觀意必在讓谷所讓谷果首
服余悲曰吾不令若曹業此者以時未至耳奈何不聽
余約今姑拈一題試若即能效其體爲之吾將遂恣
爾意卽不能當奉約如初題爲齊景公待孔子二章讓
谷援筆立就且成其二文采爛然余讀之驚轉謝讓谷
重獎之讓谷時文雄麗而性不甚慕詩亦嬾不收拾茲
編其什之一二也

盡漁餘詠周讓谷形體豐碩而性劇喜遊山嘗同沈惕
菴遊九華方近半霄亭數從人掖之始得上自吟曰僕
嬾童嗔余亦倦天風扶上半霄亭及遙望天臺路光陰
仄益殷栗不能登復作五古以謝同行者其後二韻云
我身如驅蠶我行如殺鵝
乘風夫何能甘作退飛鵝
梧門詩話錢塘周西隱刺史性豪邁好遊覽所至輒有
吟咏辛未冬遊九華作詩尤夥江行三首云近遊山南
郭縱棹正斜暉帆載春江綠舟兼渚鳥飛行騰隨蓋及
負杖有僧衣官閣還相憶梅花願未違同行借二子旅
話得從容斷岸水流駛背人山影重臨清茶味滑
座客客懷穠穠前路樅陽浦昏烟落暝鐘人多誦之

董浦先生招飲丁香花下

二十四番風漸過春三月當穀雨中六街黃塵似散麴白袷
衣換青裘幪疲驢偶過息羈鞁倦眼那覩花濛濛柳絲已卸
玉河曲芍藥未放豐臺東朝來忽聞剝啄響長鬚傳致魚文
紅玉堂翰林行名客開樽一笑登油輦入門豁爾明雙瞳紫
瓊瑤琢千瓏璫合座八九客鄉語咸相通悉捐苛禮遠俗格
伯仲雅走如流虹三年此乃得一醉盡洗千日牢愁空用知
昔賢重高會勝事往往難遭逢此身悞落萬人海游踪蕭颯
齊飄蓬友朋合并苦不易况乃賢達如羣公倘逢好事入圖
畫西園之集將毋同夢晨我又復告去搖鞭長揖馳雲駿居
庸關前春草碧迴頭凝望徒忡忡後期更值高興發新篇幸
託長城鴻

題吳東壁先生梅屋勘經圖

漢儒說經數馬鄭經經三禮如靳驂誰歟繼之賈與孔榛芳
翦闢窮幽探流傳派別盛南宋衛黃一出羣言奔輓近俗尙
王氏學聖籍皮置供魚蟬章縫袞袞四百載釣名空腹辭囉
喃常時器數昧講習乍臨賓祭顏頰慙先生世之經大師年
始服政抽朝簪生平談禮有癖嗜至味不異米汁耽方其精
思則同異堅壘何足當戈鏃著書滿家不療貧緇塵華髮空
髣髴五千月俸給芻蕘自餘未可醉二三長安少年習新詭
古義詎肯尋周聃先生之貧固其宜請更捫舌無多談撰杖
屨不歸去來西溪西有梅花莽湖州名酒旨且甘遠挈花夢
同清酣醒來晴窗負暄坐研朱點墨書眠蠶弟子汪萬久入
室案籥日鼓春風面先生歸哉僕請從相期間字香之南

和句山師臘底病中原韻

北馬南船又一時勞薪厯落竟何爲十圍搖落新栽柳半壁
淋漓舊疥詩作蘭每愁身是裏畫蛇難惜口銜卮沈吟未忘
山妻語敗絮奚慚處士兒

旅鬢逢秋乍有霜郭郎餘技漫登場雄談衮衮驚三耳駿骨
崑崙識九方多病祇求安是福無才爭與命相妨何人丹地
聞高詠法曲鈞天動紫凰

早春過接葉亭客有談少宰湯公舊事者亭蓋公三十
年前寓也感賦

青棠如綫艸如烟閱世真成浩劫前日下林泉解若此人間
壘坳益淒然蝸行蠹壁餘殘墨蟲網疎窗罷輓絃熟客不來
賓從散春風夜雨落苔錢

盧文昭

字召弓號磯漁又號榮齋晚號抱經餘姚籍仁和

修歷官侍讀學士湖南學政

著磯漁詩案抱經堂文集

盧慶鍾行狀畧曰府君生而穎異外王父桑戩甫先生

故與先王父為總角交泊官京師馳書招府君因受業

門下與時之學士大夫遊學業日進以馬姓由祖籍援

例入國學中順天鄉試考授內閣中書始復本宗姓官

中書十年讀經史皆補以朱筆點定訛字壬申會試中

試

殿

試一甲第三名及第授職編修丙子充

咸安宮官學

總裁丁丑三月充會試同考官旋在

上書房行走戊

寅授甲申望翰林院侍讀學士乙酉典試粵東丙戌會

試復充同考官提督湖南學政戊子正月以條奏學政

事宜撤回降調六品京堂告養歸歷主鎮山崇文紫陽

事陽婁東龍城書院講席請業耆益衆念古書之在人

間者多說脫不可讀學者求山通其義因取舊時校正

各書擇其尤要者如經典釋文孟子音義逸周書賈誼

新書春秋繁露方言白虎通西京雜記蔡邕獨斷等書

次第授梓是舉也府君發其端同時名公鉅卿與夫及

門諸子咸各出所藏請府君編校若嘉禾謝氏之荀子

鎮洋畢氏之呂氏春秋釋名疏證武進趙氏之韓詩外

傳揚州秦氏之封氏間見記吳江嚴氏之左傳古義海

傳揚州秦氏之封氏間見記吳江嚴氏之左傳古義海

寧吳氏之潮宜城集皆經府君訂定府君更以手校之
書不能盡付鉛槧則又錄其校語為羣書拾補府君一
生好學不倦馮少渠詩文集刻本久燬於火府君重鋟
之以外王父駿甫公為學問所從出也江陰趙敬夫先
生職問著有顏氏家訓注及而府君為補其所未備刊
行之其他著述惟鍾山札記已前刻龍城札記刻而未
就未刻者尚有廣雅注釋其儀禮注疏詳校一
書彙本既定開雕甫訖工而府君歸道山矣

授經圖為同年曹汝咸培亭尊人作

花發春風滿一庭年時清課手遺經
駕湖草碧人如織蠹簡
燈青我獨醒樂事不妨兒輩忙
書聲尤愛老來聽嗟予詩禮
渾拋棄慚愧先生座右銘

過汪丈津夫鑒梅津草堂

逐市人歸好下帷
數聲刺啄款柴扉
箋餘本草堆烏几
坐久
飛花點客衣
黍地已荒偏嗜飲
風光堪賞忍相違
溪魚潑潑
迎新漲更欲乘閒拂釣磯

送莫又張試之潤州

新年初見照離顏楊柳纔青未可攀
有客萍蓬還獨汎何人風雪最相關
寒衝鳬雁春前水夢到金焦望裏山
我亦扁舟向東去檣烏背發幾時還

水月亭納涼

湖風颯然至坐此不知夏梧桐未脫葉
葡萄正壓架觴隨水滌洞歌雜櫓嘖
啞樹靄層巖雲酒香鄰院醉演漾金
沙澗築基起臺榭當時經營人不復
此稅駕念之縈心魂百物奄怛化虛
櫺作僧居避暑許相借良朋肯我來
笑羈雜悲暗水月無古今人事有代
謝用大慮浮瓠入佳創餐蔗山色晚
更碧泉聲咽復瀉秋水浸寒月重遊
約良夜

繫菴

覺暴富良不啻異寶于今落誰手君若得之煩見示

同年袁簡齋明府 枚卜居秣陵其舊治也近奉文當遷

居因和其別隨園詩以志惜別之意

紅土橋西小徑斜經過門巷幾曾差劇憐俄頃膠投漆惟願
一生蓬附麻入座山光全勝畫隔簾人影總疑花黃鸝於我
猶相識爭忍重來是別家

錢載字坤一號蕤石秀水副貢生乾隆丙辰舉博學鴻

梧門詩話錢蕤石侍郎雍正壬子副榜乾隆丙辰舉鴻
博報能至壬申聯捷成進士年四十五矣是年會試在
八月香樹先生賀詩云刻成惜葉廿年遲著論韓公仲
紙時朵殿爭看和氏璧瓊筵笑插菊花枝注云今年會
試題卽廿年前中副榜題也與退之不前過論題事相
類石京師小兒唱云慈姑葉尖尖荷花葉兒圓殊可聽
蕤石先生採爲詩云甘狐花白豆花紫慈姑葉
尖荷葉圓梅陰分半滿香氣一陣鴛鴦飛過前
南野望筆記秀水錢蕤石少宗伯著蕤石齋詩集四十
九卷體以博大爲宗神景開闢不愧作家鉅手五言句

如廟立空腔樹村堆沒骨山沙岸幾家月郭門今夜霜
青松時獨立白鳥必羣飛遊水無歸年夕陽易成夜獨
至夏成秋頗來客亦主易歷半生事難成中夜眠地有
桐鄉愛人非大歷才天影淺深水鰣聲前後山薺麥花
如雪楓林葉米霜放犢卧斜徑呼雞穿碧林闌檻發吹
衆過橋衫染烟未罄昨來意何時復此臨薺碑平作礎
風柳卧當門共命鳥安樹宜男花入房華省老芍藥故
山生薜蘿但看沙際樹不計舊來村馬首半梨樹州南
多竹林松色近先墓雀聲畱廢臺落日豆籬短青天瓜
架疎七言句如石壁翠雲相對起野橋紅樹獨吟來船
迺滿雨初收冷鳥下陂烟忽斷青聲名文字少年雞
意飢寒佳境落掃除夏蔓成秋實正要高天一夜霜連
村雨似楊花落逐隊人如燕子飛貧以文章爲性命醉
憑天地作陽春蒹葭應是春來未入城此去又爲賢太守相
蹄只遶雙蝴蝶應是春來未入城此去又爲賢太守相
看原是老中書朱衣座主春都換白髮門生老更添村
徑繞山松葉底柴門臨水稻花初田園別後黃金盡科
第成來白髮踈天加春閨向多雪人伴老海方好顏黃
梁熟後難重夢杜宇啼來又一春僕倖天公乞斜照有
花枝處便鋪茵先公舊種多梅樹老圃全荒有薺花冬
寒已卜先公葬日晏難炊寡婦厨來歲西偏的補竹及
時南向遍培蘭春纔病起能觴客我已詩慵欲負花人
生百歲難常得天氣三春亦偶然九十九峯春已老子
現猶道不如歸屋於高處非忘世志欲終焉此讀書野

老何知家
帝力春光最好
屬田家
晚來芳草欲爭綠
晴役杏花難久紅

皆清老蒼秀合東坡
半山山谷而爲一家

吳越武肅王祠

石鏡山荒歲月更家王遺像
蕭朱薨蕭森錦樹秋風色妥貼
江濤白日聲歐史世家難盡信
龍門年表有公評
順天不獨能存祀
猶仗臨安作宋京

懷從叔祖界歸州

南北相違動十年
去年西去可書傳
空舸峽轉秋聲裏
夔子城寒夕照邊
得句定分工部興
吏民如愛耆夫賢
江陵明月迢迢夢
百丈風牽上水船

登多景樓

第一江山第一樓
闌干孤景俯清秋
幾家北顧憑天塹
終古

南朝怨石頭爛漫儘呼京口酒翩翩難狎海門鷗
鬢絲未遣無情甚斜日寒風爲少畱

七月十五夜祁陽對月

湘水露華滿祁陽雲翠流今年無閏夏此夕卽中秋
高館深畱客疎簾半上鉤舉家京邸話愿憶到南州

送畢庶子沅觀察隴西

詔以宮僚出年惟穉事成秦民休養後隴水往來清壯
齒多全力宏材可定程宜臚原第一慎重此聲名

請得逾旬假歸爲上塚畱遲衝潮橋雪迴汎洞庭舟
鄉里看翁子兒童望細侯梅花青崦月且約復來遊

寇忠愍公祠

功業汾陽只等閒嗟公憂國鬢雙斑君恩鬱鬱通天帶
里社

大意怪客過見我吠不止青石甃淖沁水殊可喜山僧自
午飯覺已忘我爾徑令生苔花風微委松子樹陰逗新涼山
雨又將起墨雲南峯來添作一池水

東園晚步

人家活水環曲徑疎樹夾童戲隱豆棚螢飛上蒲筵比屋機
杼響滿畦菜秧插過籬防吠犬開欄喚歸鴨青烟出林深白
酒就爐呷郭外數峯遙路口一燈恰樂此晚興饒汀鷗許我
狎

同年小集寓齋

高樹涼颿報早秋我曹痛飲莫空愁曲工其柰非時好瓶罄
還當與婦謀人世不堪歌薤露舍人同年四十人前年喪職
靜溪今年喪嶺廷又下世矣
此生端合老糟邱諸公事業應難定耐可清尊共白頭

贈盧荅園修其

寂寂揚雄宅唯君數往還交憐同臭味貧有好容顏疑義常從析新詩更許刪悶來誰慰藉真意最相關

真率會次韻

昔在明湖濱其結讀書社前以期古人後亦畏來者同輩推薛洪跌宕擅騷雅騏驎步方騁局趣媿凡馬范崧亦可人入林臂其把味餘殊酸醎吾意欲姑舍竭來幾廿年死生異朝野晚得交眉菴情懷共輸寫真率自昔軌興到命杯尊鍾子晚富經筵海水瓶中瀉二李英中簡南北殊才名不相下諸賢類璠璣賤子等礫瓦何待三爵後醺然發顏赭來詩語絕妙宵讀至燈灺

謝海住先生餽肉

雋永味清談勝啖花豬肉胡爲更作豪諷我捐苜蓿分甘推
友朋欲炙憐僮僕嘗鼎一臠多余今不負腹

謝東墅同年見贈奉酬

少小爲文章於道見苦晚未惜肝腎勞已傷容髮損吟誇千
首豪意難一字穩敢希摩壘還早欲自崖返同官盡才傑吾
子更妍婉春花媚春風秋月明秋蟻萬象盡可籠六義夫何
遠才當避十舍年僅先一飯學道究何如欲問弦歌偃

酬張丈東扶 賜讀金石錄見貽之作

湯盤禹鼎古有器今其在者祇文字世間何物最堅牢金石
猶然遭失墜固知古人絕愛名亦望後人能好事幾經風雨
逃劫灰年經月緯分部次誰云歐九欠讀書集古足以徵傳
記後來更得趙湖州復喜閩中有同志芸籤縹帶二千軸手

自摩挲誇博識北狩空悲易水寒易安詩南來尚覺吳江恤

緯遺嫠獨憔悴零星故紙重天球一想前塵一垂淚在處若

有神物護傳寫人間矜枕祕雅雨山人夙嗜古為屬校讎辨

同異易安晚節負奇冤奮筆平反頗快意來詩亦復相印可

名教千秋敦氣誼更有左證君知否慷慨詩篇投遠使嫠家

父祖並高名信息鄉關重誣諉是時紹興歲在丑年五十三

何所冀紹興癸丑韓肖胄胡松年使金易安送之以詩云嫠家父祖並高名又云只乞鄉關新信息時年五十三

輒接則不事當日久自分明巧巖何人空作偽可憐杞婦痛

摧城翻比談娘歌闕地堅城自墮憐杞婦之悲深易安祭夫文也偽作上蔡學士啟中有云局地

扣天敢效談雲烟已分霎時空鱗爪猶為來者企文章要自

以人重肯使無端蒙謗議書尾丁寧復垂戒早識吾儕有同

臂見彈求鵠未足咄索圖索駿那可致捕架新添三十卷已

青青少華山魏野有詩傳北使竹林遺廟向人間靖康若主
澶淵策何至蒙塵遂不還

秣陵

秣陵楊柳不勝攀數盡歸雅落照間蠟屐唾壺紛士女投鞭
麾扇此江山終南涇渭消磨後三代唐虞闕畧還合遣端憂
庾開府渺然家國但衰顏

二月十二日陪香樹從叔祖放舟武原半邇與城檢得
石湖詩選本有四時田園雜興三十二首分得十首

和韻

花事纔過二月頭短筇攜我上扁舟買將燕筍隨葦菜鄉味
今春傍故邱

吳歌半學打灰堆春滿田園笑百回蓬脚好風吹鷺直遠山

一帶武原來

賽社新蠶倒好嬉兒時最憶趁船歸連村雨似楊花落逐隊人如燕子飛

乍留河泥未出鉏桑含雀口尙如枯雨涯白屋東西問門掩

書聲早納租

兩涯白屋半邇村
先宅後門題額

男便耕田女織機香粳米換木綿衣百年白叟三家住一笑紅塵九陌飛

樹樹鶯黃岸岸晴鵬桃花外夕陽凝等閒綠遍船頭水隔歲人來記打冰

風順齊言路不長船人手裏過茶湯與伊商畧明朝事合進龍王廟口香

漁家螺蜆應時生何處茅柴酒最清背指勾藤橋一曲鄭墳

東角是填城

櫻桃花覆酒家門
春半看春倍惜春
多謝海雲扶月上
照人先與照鄉人

老年情重少年情
花壓簪頭玉勝荆
小縣東風傳唱去
夜來十一首詩成

游棲霞嶺

春雨無久濕陰崖
忽相高藉茲習余
步飽食能忘勞泉
南摘茶女手各隨
所操多生今歲荀
不見昔人桃石亭
築有意似欲休吾
曹

澈浦

重湖接先壘寒食
來諸孫春風散花
竹落日游雞豚物
情各有遂天性彌
所敦伏臘黼陰屋
詩書松下門佳辰
發真賞列

席依前軒

張烈文侯墓

當年誰愛將骨亦岳家西戰鼓中原急秋山落日低曾無樞
府鞠竟有手書齋廟記碑堪讀霑裳草露淒

哭汪禮部孟錫

獨行獨行真可哀行覓年少區中才蕭瑟廓落有如此鳳凰
麒麟安在哉繩牀不聞夜雨歇薛院翻對秋花開無可告訴
今已後只除舉杯不放杯

蒲州

縹緲薰風何處臺汾陰后土亦荒哉維南太華三峯倚自北
黃河九曲來鵲雀樓高脊幾劫王官谷靜瀑如雷蒲州合爲
潼關守犄角方成用險才

憶西湖

斜日輕風燕尾船
桃花楊柳六橋烟
人生百歲難常得
天氣三春亦偶然
驚代麒麟真畫閣
戀恩鸚鵡孰題篇
鱸香蓴滑原相憶
不見西湖廿八年

同學諸友過飲回溪王秀才

敝廬不願奢
灑埽自清絕
欄扶梅萼凍
籬剪竹梢
折誰歟
吾所黨來者
客非熱
危坐聲焦桐
古懷面荒雪
泉流嫩寒遠
松韻落虛切
是時天宇浮
林端月如玦
塔焉隱几綦
冷然御風列
園景悵昏黃
庭光憐皎潔
諸賢且相住
茗薈亦佳設

將遊支硎華山天平諸勝先夕繫船獅子山下風雨驟
作天明益橫不得登岸而賦長歌

流鶯呼人暮出亞字城
徑飛鰲子循山行
王僚墓頭松影黑

篙翁啄崖棲鶴驚中宵新葉都作枯枝聲是雨非雨亂撲蓬
 窗櫺擁衾吹火沈沈聽溪溜正急天已明可憐溪邊五里十
 里不知何處好花樹推蓬一片萬片朱朱白白浮下橋門英
 我所思兮華山天池蓮葉馨支公住處鶴亭馬欄秋渚清其
 南獨峯模糊青中有白雲一線泉琤琤靈巖之高何啻三百
 六十丈今者不見但見蒼煙橫我豈不能支竹傘兩脚緊繫
 芒鞋輕又豈不能坐待風雨歇竹扛兜子昇雙丁天公無賴
 黽老生今日獨雨昨日晴今日雖雨明日晴已送歸櫓村鳩
 鳴

錢汝誠

字立之號東麓嘉興人陳羣子

朱文藻曰錢塘汪北郭魚亭為錢太傅文端公乙丑所
 得士歸田後嘗往來錢塘主北郭家少寇東麓先生每
 侍杖借來時文藻適館於北郭因得執贄以見許厠弟
 子之列戊戌己亥間文藻客京師先生亦補官少寇校

隆之暇時時請
益未幾卒于官

敬業堂山腳躡盛開主人招飲花下詩以紀之

趨庭指點說兒時今夕歡同杖履隨曾是高會遺手澤能無

淚灑角弓詩

萬株火齊萬玫瑰一朵花宜傾一杯花影在杯杯在手主人

愛客客頻來

周嘉猷字辰告號兩塍錢唐人乾隆丁

楊明狀舉進士官益都知縣著兩塍集
祖儀部公諱澂字錄生有異稟讀書一過即背誦無所遺
文辭每出一篇出輒驚其老宿抗董浦編修深愛重呼為
小友成進士謁選除青城知縣兩充鄉試同考官改益都
縣權知膠州壽張王倫構亂凡軍儲善後悉委先生綜
理攝運判署知德州復攝雁城縣事以病卒于官好學
嗜古雖治劇邑未嘗去書從士大夫家得一祕本備鈔
審勘如恐不及文章爾雅久為上官所知三十六年士
兩冠特和順特欵乘貢馬巡撫周公屬先生為作賀摺
奏上欽奉

硃批垂問周公卽以先生名具奏遺著有南北史年表一卷
帝王世系表一卷南北史諸華入俗校注五代史記左
傳文選東都事畧等書及金石文字跋尾

由信州至河口

曉行發信州迤邐路逾百匝岸無青林連岡盡頑石解作阜
亦童昭蘇草難植混沌眉不書眉屢掌誰勞茲邦富人文自
昔饒英碩地產旣靈奇山容亦蘊籍如何乏清澗所見皆獮
礫菌蠢過客嘲蓄縮山靈怒伊余值屯蹇累載事行役往返
頻溯洄形摸細測識賦象揣各殊肖物視須逼雖未工雕搜
亦自巧搏埴或圓如米圉或方如射的或累如菜圃或駢如
阜樞或如松皮皴或如龜兆坼或如馬振鬣或如鹿解脰或
速速如檣或泛泛如舶或積疊如堆或細碎如礫或如斜頭
翁魁梧岸巾幘或如袒胛僧禿鬚振鈴錫飛梁橫山腰有徑

不可陟鼓鼓棄水溢有桴不可擊怒猊渴飲河跛鼈倦伏績
藤絳山果懸瀑挂秋瓜鴈波率曰可春巖研窟堪宅窪突肖
陰陽單複類揲劫邱背復有邱突兀露尻脊大山與小山吞
吐互齟齬累累斷復連縷縷明且析卓立盡地錐競舉去天
尺向背詭狀分遠近瑰姿易斷削豈鬼工搏撓費神力幻視
巧呈形疏觀細伴色潤滑凝流脂枯焦噓乾脂日炙蒼顏頰
浪清獮質黑映樹微含青宿露半縈白剝落襍黛赭漏瀾間
黝赤翡翠毛畱斑鵲鵲眼舒碧披莎虎竊毛俯水魚喫墨千
形旣現異五色復輝艷瞥見詫童頑久玩欣煒燼大巧類若
愚至美轉無飾媼氏煉所遺秦皇驅不得自古常嗔嘲于今
頗戕賊開鑄勁骨蘇迸落大聲驍利刃劖蹲鳴巨斧斫怒特
披刷去鱗皴推敲絕頷額豈唯損石容亦恐傷地脈匠石資

或饒靈斯怒恐赫寄語此邦人應爲山川惜

酬張大誠然天津見寄卽用原韻

我似棲林鳥君如破浪船此間春又老何地月重圓客夢依鄉井離愁入舊年清樽話疇昔期在五雲邊

沈

心

字房仲仁和諸生元滄次子著孤石山房詩集

陳浩孤石山房詩集序畧曰椒園與其兄房仲並以才名著浙右兩世皆海寧查氏甥故能得初白先生之詩法椒園風節治行與文章並著房仲則終老不遇而其意澹然無所求唯吟哦自娛以抒寫其胸中之所得生長吳越又嘗南游嶺嶠北游京師往來梁宋齊魯間流覽所及與密親勝流酬唱往復欣愉悲感之情多見於詩其所遺孤石山房詩草前經初白查浦兩先生及歸愚沈宗伯剛定錢唐桑磻甫吳江家谷叟兩君子又酌去其二三今

所存不及半

查慎行孤石山房詩集序畧曰房仲爲家少詹聲山外孫其尊人東隅校書

內廷宦游海外詩名播寰宇房仲夙稟庭訓研精經史課誦之餘作爲詩歌雋厚者其氣雋永者其韻超邁者其

才沈韓者其學少年所請如此少詹風雅一脉已得
傳人借光輝於宅相豈獨能世其家學之足羨也哉一
朱彭曰房仲乃查少詹聲山外孫父東隅先生能詩房
仲與弟相國濡染庭訓俱耽吟咏後又游初白先生門
下歸愚宗伯曰初白以樂天東坡放翁遺山諸詩倡道
後進經指授者每能據寫所得而房仲所造尤矯然自
鳴于時恨園角藝推遜仲兄今椒園入史館校祕書
而房仲仍困諸生豈遇合之有數不能自主者耶

遊永福寺

江海望無極嵐光遶水城雲松開野色風竹雜泉聲蔬笋皆
禪味香燈不世情書窗曾許借一榻梵音清

白沙道中

沙磧微窪細水洄野風吹微暮雲開斜陽古道鞭絲影一桁
青山逐馬來

豆渣戲和寶山上人

法乳常流轉唯床瀝殘布袋質凝霜剩逃劫業其燃火過去

因緣玉作漿解脫誰教入孟鉉等閒便遣繼糟糠厨荒直作
伊蒲饌細嚼方知淡味長

寒食半山看梅

暝色春愁花影邊推蓬山外白雲連濕泥正阻攜筇路遠水
初來放鶴船幾嶺蒼松迷艷雪一林寒玉鎖荒煙冷香夢入
清明節桃李無言識後緣

過小山堂與趙意林話舊

相看忽忽感華顛身列書林境似仙卅載澌香餘舊夢謂初
生數行翠墨結深緣時鐫松雪真蹟素心宅並南村住取閣新居真

清骨詩同北郭傳自愧生涯成變落不堪蕉萃賦寒蟬

種菜二首

芋栗收園稍築場又分餘力到村莊惜聞好語年常熟漸有

生機地破荒籬夾竹竿編眼小鑿裝木柄等身長爲農兼學
樊遲圃拾礫誅茆鎮日忙

疊石圍牆五畝餘青菰白芥繞蝸廬其燃土竈和霜煮草織
蓑衣冒雨鋤生相原非宜食肉歸來何必歎無魚蠶鹽穩稱
貧家味一飽粗營好讀書

日離海研歌爲椒園作

美人愛鏡壯士劍書生結習殊相方得一佳硯足一世寶之
奚啻千璆琅叔也有硯癖夙願今乃償文曰日離海云是紫
微舊物傳南唐

硯爲呂冰蘧先生
物李建侯所琢

一朝來几案使我神超躋

島遊扶桑有如金雞唱天外赤鳥飛出騰九芒照徑八十一
萬里周行未到天中央吾家海隅幾茅屋朝潮夕汐魚龍舞
奇觀最是十月朔合璧之彩升危岡眼中眩耀胸次豁幻影

胡忽生文房人生一粟寄滄海少年豪氣如朝陽管城卽墨
並益友著書要等君身長幽人貞吉介于石陽德方升吾道
昌後邨獲研詩應是窮儒命漸亨會見光燄長萬丈墨雲濤湧鵬翱翔

遊吼山并序

距紹興城東南三十里許有吼山劉韋玉治具招同
其姪雲子周戒鄰往遊低篷出郭明波遠岫歷歷如
畫旣至舟從石洞中入深潭峭壁幽邃奇險巖高十
餘丈上結茆亭巖曲有佛廬依巖臨水屋數十楹爲
有明陶敬庵先生別業當門有山頂皆碧石其態若
渌雲行空光彩陸離所謂雲石也回嶠方壺非身可
到際此奇境不啻登仙矣同游數人倒屣暢飲扣舷
狂歌爲歡竟日山水朋友之樂人生豈能多得卽席

賦此以記勝遊時丙午二月初六日也

趁取朝南暮北風沿緣一棹路疑窮牢看梵宇懸巖置幽比
仇池古穴通席上烟霞傾鑿落壺中天地闢鴻濛佛螺青旋
神魚躍

潭中魚皆長丈餘

一鏡光明幻影空

勝槩名人占此鄉來尋石竇讀書堂日留樹影明頽閣風遞
雲濤響曲廊久付打鐘僧看守頻容搗楳客徜徉劫灰不少
前朝跡至竟陶家徑未荒

重九日查履旋招陪初白查浦兩先生及東齋樗莊椒
園尖山登高飲潮神廟卽席分賦

匝月愁霖日掩關預畱脚力待登山兩峯特拔波濤外萬象
全歸咫尺間境在吾鄉誇絕勝人於此日喜俱閒從遊一笑
風吹帽十里何須計往還

邊頤公以所畫蘆雁見贈賦謝二首

惠崇妙蹟苦難求誰寫瀟湘一片秋霜信年年來紫塞七條
琴韻滿汀洲

寒風衝陣急相呼兩兩三三宿敗蘆極目遙天沈遠信可憐
歲晚尙江湖

雲間張梅園家白牡丹于十月忽放一花來索詩

可是瑤臺月下期小春重放艷陽枝憶同快賞曾三月忽作
孤芳又一時富貴人稱榮晚節冰霜天使助新姿嶺梅香色
貪同夢分付胭脂別處施

題張卿子先生遺像

茫茫浩劫老書叢寂寞生涯感慨中四海獨歌紫芝曲一身
且作長桑公經過曲巷名猶在老死西山命固窮喜有曾鯨

畱繪妙詎同白傳寫屏風

戴國英

字奕文號蓮峯浦江諸生著蓮峯詩文稿入卷

戴駿海曰乾隆十六年歲大荒出粟賑飢先祖由邑庠生議叙恩貢幼有異稟教友施塾喜蓄書尤篤窮理朱之學一生交遊皆名德長者

遊金竹澗過集陳氏山莊

疎雨歇山椒惠風蕩晴霽崇巖雲已深窄徑烟猶細齒齒白石間苔莓縈古砌潭水蔽清陰澗花發明媚曲磴傍隩隈列棧擁埤垠摘葉粲春華捫蘿挹飛翠散步入叢篁揮手拍仙袂盤紆趨東軒披拂得少憇嘯傲寄南窗微醺愜幽契心賞斯已交遠懷獨凝睇

五洩觀瀑

重臨怪石如劍戟洪流下注不可測冒險直窮老樹巔寒氣

撲而陰雲襲巨浪遙沈飛雨聲白波倒捲青厓色奔激澗壑
春怒濤兜絡石骨旬相遭縷縷一線走絕壁危磴盤屈如連
鼇依稀傾瀉出天際劈破棧道盤泉勢雲門匹練森長芒冰
崖飛雪噓陰氣乃知神工亦太奇靈斧削芳迴坤維咫尺但
聞雷霆聲朦朧莫辨鼙鼙啼歸來珠露有餘濕恍疑淨綠生
裳衣

何國良

字遇黃號何仙又號桂巖仁和諸生

何驥行狀畧曰府君平生事祖父極孝先祖忠中風時
府君假館龍泉學署是夜兼程歸視疾獲瘳復之龍泉
而先祖疾復大創棄世府君聞訃
慟哭暈絕咯血數口數日道卒

家嚴感疾歸視甫瘳促予赴館為境所累不得已就道

途中口占

牽衣忍涕出門行不敢親傍露淚形苦恨無能侍湯藥行裝

雖發又重停

蔣宏道

字賓侯號雪樵仁和人著五柳園稿

朱彭曰雪樵天姿純樸與兄靜山以文行相勗拈家孝弟鄉黨無間言兼通醫術不廢吟咏親亡作百哀詩語極酸苦每逢朔望必展親墓徐紫山爲作上塚行所爲詩文喜真樸不尙雕飾

紫山先生相招食筍卽席賦酬

身自山中來悲餘復感老人生耄耋年同儕亦云少獨有徐元直人羣獨矯矯高隱將百歲顏色如少好村居林竹春嫩笋未成篠昨日手書來燒笋邀我飽揮麈論古事指掌能了了食笋美且鮮飽德益不小拜手牀下辭林中叫黃鳥

重過相國寺懷亦諧上人

前年春暮此過從忽訝詩僧帶瘦容今到禪房吟鉢香寺門零落一枝松

王會永

字輝歡仁知諸生著寄巢詩紳

朱彭曰稱歡即茨檐之兄也兄弟友愛因貧遠遊巴蜀十餘年茨檐倩友人寫結耦圖以寄懷兄之意稱歡題寄一律有攜鋤到處情相洽漁弟山兄總比肩之句後歸館杉墩喜與田夫野老游偶有所得託諸吟咏往往不自收拾故所存無多

歸自四川喜見茨檐弟

過了皋亭望北關一枝鵬進沈塘灣新居不遠欣容膝白髮相看各解顏秉燭且陶村舍酒聯牀爲說蜀都山飢來只恐驅人去可得閒閒十畝閒

汪上樽

字舜陶號息園秀水人官國子監博士著范湖詩文鈔

草廬

綠水雙橋曲柴門柳半遮春風來燕子夜雨濕梨花天氣清明後人間橘柚家閒思消白晝活火試新茶

偕金二汝白德珙游明瑟園

入室多成趣名園世所希曲池流水遠高閣斷雲飛春色禽
先占山居草自肥寤遊良有素勝地共忘歸

王曾祥

字應徵號茨澹仁和人杭州府志文苑傳會祥家極貧事親至孝于書無所不讀肆力詩古文詞深入古人之室書法顏歐手自鈔錄

一筆不苟為諸生僅三試鎖院輒棄去雷學使鉉聞其名重之強召之見始一調鉉作二王生傳以會祥為杭

郡第一其一則揚州王世球也會祥辭雷學使舉優行書有云學無窮期品難預定可以知其品槩矣

汪沆靜便齋集序畧曰王茨檐食貧力學篋囊不給手未釋卷為古文詞多見道之言生平不修飾邊幅和易

可親然遇要人富兒有不當意者即掉臂去之或竟日不交一語其獨介又如此

詞科餘話仁和王曾祥磨徵增廣生里中諸子相尚為古文學獨見清麗

夜懷家兄穉歡先生

獨坐聽風雨虛窗欲二更自憐兄弟少深悔別離輕一榻暗

相對殘燈暈不明未知今夕夢何許是羊城

施竹田移居

卜宅城西路來過逼歲除故人多送酒長物只擔書好補門
前柳仍畱屋後蔬近湖魚蟹便將母足閑居

懷吳西林

平生慕高隱眼底祇吳君詩思寒潭水榮名遠岫雲全天寧
藉酒餘習但論文一曲伐檀引何時許共聞

君近譜伐檀詩入琴曲

同西顛飲南漪書屋

日下人歸鬢點霜尙餘酒地不全荒尖風入戶搖蘭燭寒月
窺人出薜牆得食可堪隨雁鷺守門只合類顛當却吟蘇柳
道梅句又隔前塵十載強

蘇柳道梅句十年君庚戌歲飲秋聲館句

過西顛小眠齋疊前韻

都亭回首幾星霜三徑歸來未就荒
好客何須論滿座素心
難得是連牆人看落拓還如舊詩
說窮通詎敢當爲問生資
俱一笑我曹原不羨殷強

過胡稔占書齋

訪秋無定蹟秋在柴門裏憐君獨
住房境與僧廬似牆影出
花梢檐風落藤子孤懷若爲開
妙語紛未已雖乏觴絃樂頗
饒清淨理興盡指歸途斜光明遠水

寄家兄

緘詩千里說歸歟又復蹉跎六載餘
門戶獨支貧過昔兒郎
漸長意非初同盤竊慕楊延壽推業終
輸何幼璵檢點目前
無限事臨風淚盡數行書

送趙勿藥之松江

風吹枯桐枝入夜吟
檇檇杯酒不盡歡
起看霜氣白吳淞
襟帶水若翁畱詩蹟
人事逐浮煙物情欺
鍛翮路過三高祠
先謁范少伯畢生用
計然何如守末策
沿迴三泖清坐對九
峯碧鷗盟未嫌晚
家有小亭適君家三十六鷗亭取姜白石詩題平甫放三十六鷗於吳淞意
歲暮得歸來剪燈話
平昔

移居和沈晴山韻

庚午春仲屬有不得已之役移家北墅
心緒殊惡及稍葺粗完營魂少定
沿緣側近則清潭在門登眺幽遐
則西山當牖而若叢祠蕭寺花圃
煙村隨時可過舉步卽得高隱
沈君晴山夙契襟期今相鄰並辱承
下問輒以新詩謹依韻裁答

本期延素業翻致失安居
力盡廿年事身餘一束書
遙山長

不斷好友未全疎回首增淒絕寒雲暗舊廬

況有隱君子澹花接水筒徑微分曲折屋祇別西東學古欣
先得逢時笑未工詩篇看愈好何事藉芟鑿

上學使者雷翠庭先生

未從知己少求伸況復悠悠可具陳壯歲便懷冲澹意衰年
合作太和民包荒不責樞衣禮感激寧論捧手親自是平生
香一瓣南豐以外更無人

過昭顯崇德閣舊址弔圖像諸公

看山盡日渾忘疲每緣訪古行迤迤此地舊屬太常寺宋室
南渡初開基亦閱百年儀典備報德酬庸期勿墜巍然傑閣
碧雲間圖畫先臣二十四趙普曹彬薛居正石熙載潘美李
韓琦曾公亮富弼司馬光韓忠彥呂頤浩趙鼎雷奮雲合運莫
鼎韓世忠張俊陳康伯史浩葛邲趙汝愚

當開國股肱誰最良周王鄭王齊戮力薛公石公依末光豈
無元勲及碩輔舉首獨讓韓王普神言何事來中庭論語曾
聞需半部二王布化勤宣猷二李外攘兼內修呂曹曾韓先
後繼坐致太平良有由就中忠獻真傑出聲色不動扶日月
大臣風力孰更優韓公尙怕富公弼司馬品望鳳與麟不鶩
不搏含至仁此日心跡逾炯炯前時黨論空斷斷中興太傅
功莫尙老死吉陽憐偏強苗劉倡亂共驅除韓呂勤王師浩
蕩長卿方畧靜不驚楚輔法度能持平真翁衡才頗不失厥
子未免鑒家聲往事茫茫難致語其間有關還思補褒揚已
錄趙福王昭顯偏遺岳忠武張俊功名本校然妒賢黨惡圖
苟全生與靳王志勿令沒何緣與共几鍾人君莫漫矜賢智
驅策羣英誠不易異世恒思遇騶駟當前翻自捐騏驥穆陵

理學志有餘力排安石崇程朱卽此表章及先代事關激勸
非迂疎惜哉愆多剛健寡不任崔吳任丁賈縱復敢諫有洪
公一木可能支大厦山中舊蹟我頻探漠漠斜暉遠岫含鬼
偶正須澆濁酒當杯聊爾資清談

立春後一日集瓶花齋和竹田韻

眼看時序又春初枯坐經年此屋廬客至殷勤留半榻酒闌
珍重說遺書花街共聽更三點殘雪猶分月滿除好事主人
情轉劇辛盤還約試嘉蔬

集白雪房送孫蘇門之海昌

古寺蕭然得其經眼明天際數峯青卅年外舍無賓友隔巷
新知見典型君兄弟爲外舅周赤崖先生高弟外舅死無後耽酒久拚人盡棄論詩
長到日將眠鹽官一水來回近準擬秋湖汎醪醺

陳兆崙

字星齋

號句山

錢唐人

雍正庚戌

進士官

福建知

府

紫竹山房

詩文集
格城詩話星齋天才駿發而虛襟善下人有寸美愛不
去口大手名篇衆人氣短星齋默而深湛必勝之後已
篤于朋友昆弟之誼聞予入閩喜極不寐賦詩寄示余
亦依韻答之在閩行雜錄撤開後同居蕭寺接席聯牀
陸孝廉秩旣蒞舊雨沈秀才嶺則劉虛世親兄弟
畜把袂拍肩筆硯之伍陽壘交錯關棋射覆雅令窮經
均此通情排爲清課彥和云灑墨以成酣歌和墨以藉
談笑此其選也旣而星齋奔走上官同人賃船北上禪
榻春風閒其雲散分岐雪涕書此志之屋齋有承明著
爲人和易胸無城府尤好汲引後進有求賢若渴之想
善飲每遇知己輒連飲數瓶未嘗醉而談鋒彌健生平
以古文爲時文章宗匠凡應試鄉會者必持文請決利鈍
大夫奉爲文章宗匠凡應試鄉會者必持文請決利鈍
門外騷滿工行書得力古人當自言吾書法第
一外騷滿工行書得力古人當自言吾書法第
隨園詩話吾鄉陳星齋先生題畫云秋似美人無礙瘦
山如好友不嫌多江陰翁徵士朗夫尚湖晚步云友如
作畫須求淡山似論文
不喜平二語同一風調

題彭芝庭前輩江帆歸觀圖自歎十年于役故有下句

五雲仙客賦南征一月天公放老晴曉月有梭宵遶重朔風

成片午帆輕年來庭草常春色此去江神亦世情用馮商語芝庭歸省

在臆唱後五月還道紆迴勞遠夢要隨賓雁數歸程

敲殘雪月啟門關雙照春庭鬢未斑話到

君恩齊頓首吟成祖德一開顏名場詎易兼才福謠云會元天下才狀

元天下綵服休教付等閒爲問賢才滿江上布帆無恙幾時還

書熊孝眼先生傳後

諱迎龍字鱗長江西新昌人鄉人憐其行稱曰孝眼

冥冥渾渾身未產孰與九竅開雙眼坐視君親遊險屯幾人

名字雷青簡新昌之亂順治初叛將一呼轟羣狙謂逆鎮金聲桓也

殺戮老稚到雞狗奔逃林莽空虛廬先生有父獨坐嘆諱孔敷邑

諸生欲以口舌紓齊難寇至中雷若不聞彷彿山陽還踞鍛

狠氣奪旋怒磨堅儒喋喋敢爾爲承胸之劍亮於雪痛乞父
命寧取兒以身翼蔽幾迴旋刳目目出血覆面卒能全父度
桑榆九死殘魂獲神眷時已昏仆恍惚見吳莊介公飲以茶
復蘇莊介諱甘來死甲申難官都給
中吁嗟乎將軍南八指淋漓太守之舌尤絕奇求忠於孝從
古說可憐終待歲寒知

寓園

故明祁世培先生讀書處也李自成破京師自沈於
此遺命捨爲佛寺有堂曰四負遺像在焉文弱殆不
勝衣殊不類意中魁偉之擬按碑記及堂額題識皆
作佛語豈先生意哉乙丑秋晚同學徒來游感嘆之
餘因而有作

十里村園竹萬竿虛堂曲折水潺湲池荷枯盡清芬在野燒

灰沈碧血乾忍遺園林畱世業祇憑書卷殉尊官何人錯認
三生事摩礪津津說戒壇

塘樓題壁

花葉田田各自成山農含笑指行旌箇人不曉田園樂黑豆
黃麻尙問名

兗州舟行書所見

蓬背蕭騷曙色微卽煙是處繞漁磯單鳩索莫拋雌去雛燕
殷勤旁母飛倚岸樵撐詩骨瘦穿橋波瀉酒容肥程程風景
都相似賺得行人遠故扉

二月七日喜同年楊明府直庭至

盛年豪氣各蹉跎相見渾驚一紀過春水纈紋吾面似旅程
霜雪爾鬚多才原有數終難諱性恥言貧且放歌南淀遊疆

西頂屐刻期寒食意如何

送葉登南庶常改官之建昌任

毛錐幾輩誤年華好友青韶種縣花
失一史才人共惜奉雙親
養爾何嗟升沈依舊渾無象
名業翻新詎有涯料得素心終不負
青天長自照烏紗

四月六日梁庶常元顓秋部幼循招同徐閣學潤亭張廷尉藻川程給諫驥超編修許時翔馮夢亭中翰倪敬堂貢士徐豐友集清勤堂看藤花奉次藻川元韻
吾儕強半皆華顛官貧酒薄夜不眠
俄聞剝啄驚起坐長鬚
遣自蓬萊仙謂作匪春識春面似霧
非霧烟非烟燭來端詳
嘆奇絕勁如石弩柔如棉
梅黃桃爛柳嫁絮避暄晚出卿真
賢根蟠獨繭枝萬縷密於東畔疎
西偏老者委蛇少騰踴後

者少駐前爲牽主人鴛空與接引歲不取息安其屢酬恩吐

豔拂歌席卓午送蔭過花甌容光應時特綺靡氣骨到老逾

頑堅南崖溫生北崖石臂彼賢者各一天相將聯騎恣盡取

志在索醉仍回鞭虎坊橋呂氏園亦有藤花清勤堂距呂園不遠蘇州因座客未集約往一觀茶話移

時主人索詩烹茶靜對也不惡飛觴引與增暄妍藏閫輒復

命花使披襟暢好辭塵緣庭陰已迫小滿屈粥香還似清明

前笑指簷端作比擬諸公試道然不然星霜四十或五十皮

皺色暗膚毛拳就中三人年最少謂二梁絳房縹席相新鮮

平等看兼分別看兩重公案憑誰傳有能轉境不境轉心定

萬境無推遷文章事本足千古一草一木畱疏箋庸知此夕

倡與和異日不裝玳瑁編闕堂譁笑各酩酊登車縱墜其神

全歸途見影忽在鬢如梳新月流涓涓藤牀六尺覓美睡夢

與胡蝶紛周旋

送介福野園典試浙江次韻已卯

星輅乍改羽林裝野園本與僕等奉此去東南路較長特地

轉移由

主脊替人歡喜爲吾鄉驚秋夢逐江濤關感舊心憐墨汁香

可似當年老宗伯辭蘇句好意難忘當時老宗伯氣壓羣兒

野園官闕及典浙試皆與溧陽任座主同僕又與同門故云

橋亭卜卦硯歌并序

硯修九寸七分廣五寸六分厚九分宋謝侍郎文節

公物也初隱于建陽橋亭卜卦時所用元學士程文

海銘明永樂中亭圯于水改建爲文節祠掘地得硯

有閩人趙元識其事不知何時流轉在津門海潮寺

俗僧棄置榻下文士周月東以米易歸轉贈查太守
恂叔恂叔按銘識雜錄本傳及地志詳爲之序僕幸
得見五百年忠貞遺物因約其序所云參以臆斷成
長歌二十韻時乾隆丁亥八月望後十日也

繡襪三重綠絲纏中有橋亭謝公硯無才作贊敢摩挲再拜
沈吟求識面方當公在石何有今綠石在公如見惟公顛末
史志詳豈石始終可無傳我今代石言其略寓籍弋陽生歟
縣勁骨貞心天稟全長身廣顙瑰紫擅周旋君子三十載

文節

公年三十歲進士又三十餘年北去挈之南東跡幾遍弼成諫草與軍書氣吐

長虹光掣電最後始畫義文爰微露消殘集霜霰無何辟穀
舍我去流落市塵遭簡賤廉訪南來訪及之手爲題旌殊眷
眷仍歸亭吏善收藏佳話還教畱一片

程文海曾任閩海廉訪使意其時獲此硯

乃爲銘而仍歸之亭吏雖事屬想當然要石火飛光又百年之鉅夫晚蓋亦差勝于雷趙輩之覲然也
土蝕苔封陵谷變夜半何人巧挾持荒祠無復陪馨薦海潮寺類憫忠寺北走殘魂相後先津門距京且十舍寢久支牀淪下院周生青眼抱之歸默許素心成遞禪不是茶候集古勸榮榮公等何由談嗚呼石言止于此石耶人耶心日暄公終不見可奈何芳藻一杯爲爾奠

楓橋

白板紅欄葉落時離人何處不相思也須畱得住名在只有楓橋好入詩

清明前三日自閶門順風直抵嘉興喜謁錢太傅香樹

前輩令子侍郎以病瘡未曙歸舟却寄

平江江路水如油帆底春情滿目稠柳線青拖杉閣尾菜花

黃過塔灣頭吹衣陶令未成去上冢龐公爲少留錢傅方有郊外之行

爲一無那夜深催客棹病纏君子使人愁

趙昱字功千原名殿昂號谷林仁和貢生

詞科掌錄仁丙辰舉博學鴻詞著愛日堂集

廢同官少司農開其才且賢薦之功千雅詠溫恭築春

草園有池館之勝異本書近數萬卷與同里沈嘉轍樂

城吳焯尺牘陳芝蔴九符曾幼魯鴈太鴻及弟信意

林搜集南渡遺事系以斷句名南宋雜

事詩刊行之盛爲海內風雅所稱說

朱彭曰谷林與弟信同舉博學鴻詞報罷歸讀書自娛

築春艸園融石疏泉有池館之勝堂名小山藏書數萬

卷谷林之好書也每聞一異書神飛色動不致之不止

其所蓄書連茵接屋遂爲浙東西文獻大宗性又好客

花晨月夕時招吟侶方樸山爲作倡酌題詞曰詩人若

張東亭沈樂城陳蔚九符幼魯施靜岩張繼青輩麋至

則修平原十日故事有斯會作筆語之妙庾蘭成所謂

雲烟之過士蓋者也卒後數十年間小山藏書瞥眼如

識其卷首小山書畫印牙章精篆神采可愛先生卒後
悉載歸廣陵馬氏比部魚亭與先生爲僚壻盡借其善
本錄副以藏予館比部家十數年見
先生校書跋語知先生點勘之精

題松門畫

水色連秋陰
渌渌生遠妙
霜微葭莢黃
沙晚鶻鵒叫
不見竿
舟人空亭淡殘照

慧日峯訪亦諧上人不值畱題二首

夕亭轉蕭澹
竹外晷微明
漸見玉盤上
遠自孤桐生
水色侵
露氣結此入境清
永望有餘思
輝輝弄前楹

空外生清機
偶契入禪境
微風過藕香
廓然纖慮淨
夜涼蟬
一聲林響落餘聽
但惜賞音希
寥寥誰與證

九日過白雲山房有感

風流舊遠盡
日掩秋堂野
水落寒石亂
山低夕陽白
雲從

過眼黃菊又初霜空有琴書在塵封已半牀

初夏三首示意林

牘紫疎江一夕收曉寒簾外多風秋殘鶯猶未辭金谷乳燕
依然傍畫樓羅袂采桑嫌雨潤山厨鑽聚喜烟浮園林到處
鳴禽喚試問西堂得句不

山舍初晴鳥鵲譚園梅未熟氣清嘉息機嬾看松間局卻睡
先烹竹裏茶自笑蠹魚偏食字更憐蝶夢不離花幽情欲訴
憑誰得窗外微風燕子斜

蕭閒少事覺身輕掬水看雲遣世情不學逃禪通半偈已能
齊物薄微名松筠節老堪爲友鷗鷺心閒好結盟取喚奚奴
先滌硯刺薇花下待詩成

汪臺

字抱朴一字復園仁和諸
生乾隆丙辰舉博學鴻詞

詞科掌錄抱朴婦翁湯少宰西厓以詩名海內得其家法絕句特工

東阿

水沙清淺馬徐過刺眼桃花可奈何蕩漾春風吹月上一宵
鄉夢在東阿

秋日南屏坐雨

石壁峻嶒手可捫午鐘寂歷靜無喧軒窗望久宜聽雨松竹
行窮始到門雲氣半遮山下路秋光早入水邊村清虛此腹
便疏筭更欲從師契妙言

金德瑛字汝白仁和人乾隆丙辰以中書舍人舉博學鴻詞未試登是科進士一甲第一人授修撰歷官左

都御史入祀鄉賢

蔣士銓詩存序畧曰公寢饋經史至老弗倦斗室一燈
月黃典精汲汲如不及性樂佳山水凡使節經過勝區
古蹟必命駕登覽至則開筵傾挹吟嘯久之而後去蓋
天懷清曠如此通籍二十有七年任斯文衡尺者無虛

歲雖未腐封疆民社之寄而騶從所經凡有關大政者皆切實入

告爲

上所嘉許得以施行蓋學具體用心涵忠盡而經世之畧因端發見者又如此

小清凉山房圖詩

山房在海淀槐樹街勵文恭公休沐地也鄙人退直

棲託其間雲壑煙巒蔚然在望考圖經西山一名小

清凉爰取爲名請張南華前輩寫其意而繫之詩

文史充官事川巖奉晏居偶然騎款段是處看芙蓉靜與竹

梧對凉生夜月初披衣繙未染真說愛吾廬

三時長託迹來去分無違春淺柳迎馬霜寒葉打衣圖成他

日在屋老昔人非惟有槐陰翠年年蔭板扉

秋早點名偶筆

鷓立青袍候啓扉明星帶火照深闌五更枕上無全夢一夕
涼生乍授衣橐筆少年猶記憶開編細字漸依稀故園多少
芳菲樹比較來時大幾圍

到建昌三首

晦日始解維秋氣方颯爽雖無明月輝頗見星斗朗蒼然暮
色圍人語隔煙響霖雨一愆期大河殊不廣兩岸崖石高中
流沙嶼長篙師苦厲揭方舟礙來往意中餘幾里挽去僅尋
丈不知坐客心厭見塵務鞅小滯亦自佳風牀堪似仰
千峯霧中過對面不知名但見疊羅列蒼蒼如翠屏纔離內
史宅漸到益王城雙髻從姑山婀娜先有情人家夾溪居屋
後阡陌橫嵐氣所蒸潤婦孺皆聰明固宜此邦士文藝多著
聲尤愛百尺梁藉地同飛觥返櫂中秋後皓月風露清天緣

倘莫吝俗士寧與爭世間太白死亦有東坡生

使驛占崇岡結構殊帖妥不礙遐觀心芙蓉青朵朵萬瓦鬱
參差炊煙互封裹百雉墉居後三义路在左窗外見行人夕
陽冠駮賊草蟲靜夜鳴淒切豈爲我養此清慧機滅彼嗔熱
火明月正當杯下照蛤與蠃

九月十三日雨中邀坤一心餘遊百花洲同限藏字山

字韻二首

幾重亭館接秋塘卅字闌干亞字牆有客欲聽風葉下今朝
兼帶雨聲涼朱樓明月唐人語菊徑松關晉代香肯共避喧
來永日芙蓉洲上任君藏

相逢那許惜酡顏勝地輕言往復還同是冥鴻飛雪爪况看
飛鷁賦刀環

余任滿將旋京而集齋乞假省墓與坤一同歸嘉禾

秋聲不放檐前樹露

氣能沈水外山記向短牆畱醉墨他年側耳聽雙鬢

迨耕石別十餘年過宿寓齋與陳句山齊息園握手感

嘆情見乎詞

猶逐孤雲到

帝城相逢令我氣崢嶸正平方寸藏山岳師魯邊疆策甲兵
乍喜盍簪聯舊侶幾多泛梗失同盟潞河且勿匆匆別十載
襟懷待細傾

真定龍興寺大悲閣佛像

紺碧佛閣干雲霄隔城遙見壓麗譙中有七十三尺像狎恰
蓋頂如團茅駢指叉臂數未諦循梯百級分肩腰雙荷張穴
客僧寮天王俯胯聯雕尻陰陽爲鑄萬物炭聚斂礦藏鎔脂
骨偉哉宋祖所營造乃似叱武天樞豪豈祈并漢延國祚藉

鎮北虜矜財饒調御丈夫破顏笑我不佑宋亦不遑眼耳鼻
舌心無住須彌山王一秋毫必如大力具供養震旦像教當
寥寥劫灰飛過靖康亂寂定暝度元明朝且於菩提巖晏坐
慎勿伸欠梁懷搖洪波自免滹沱齧舍利豈惜丹霞燒惟周
宗言大可怖捨身利物爲泉刀

秋日遊千佛山

岱脉從東來歷山掉其尾宛宛幾枝分蒼蒼一屏止紺宇著
翠微粲若列眉齒欹橫隨磴級戶牖相表裏陰谷迷曦輪暗
泉剌地汎微聞乳滴音沁人如變徵古佛身入定骨冷呼不
起摩崖競功德鑿翠成痼疾軒然啓窗櫺野氣連城市斷續
見鵲華參差羅岱紫佔遊得三人出郭剛五里涼颺動草樹
結實垂梨柿倘和昔賢題書之葉爲紙

壁間雜畫疏果酒尊竹石是坤一于丁卯隨司寇時遊

戲也率題長句以代書款

在江西關中

點筆知從吸茗餘客星曾伴使星居遠攜彭澤離邊酒來采
雲卿圃裏疏蟬夢乍回人已去紗籠同護願寧虛待題名字
存詩券二老風流或繼余

遊麻姑山出谷未晡續作從姑之遊

山小石奇上垂下緣兩石對峙中有

一線天

隔河遙見雙翠鬟臨風綽約矜容顏麻姑已到此未到何不
縹緲登其巔疑是當年次仲關兩岸裂墮中存天又疑仙人
承露盤一莖裊裊當空懸廊房嵌入巖下竇雨點不打僧檐
端有時罡風一吹動使欲搖曳隨雲烟橫看側視皆窈窕絕
頂拾級難躋攀何當朗月清風際吹笛置酒招仙媛暝色催

歸興不足回顧秀黛猶娟娟

梁溪俞瑤星得古錢二枚愛之爲圖題詩余亦作一首
士不適用如古錢持以入市咸棄捐風塵知已得迂闊拾取
似怵他人先一長而攜一規圓丹綠出土光殷然當時契刀
金錯刀網利欲奪造化權葬身千剗不足惜遺器乃爲人所
憐譬諸昌黎蹈儒術嗜古亦取揚雄篇况今散擲百世後遠
勝爭奪千年前俗子鑒此方可悟金藏于山珠藏淵不然中
心著滓穢絕口阿堵夫豈賢

望都縣

訟庭衙鼓不聞聲官事匆匆爲送迎二十八家成縣治路人
笑指望都城

顧之麟

字大振號寸田仁和人乾隆丙辰進士改翰林院庶吉士出授山西直隸知縣官通州知州著寸田

病折肱肝錄

卷二十三

金德瑛顧之麟

道稿

初夏登臺頭寺

漢時名跡寄旃檀樂氏遺封此壯觀白玉橋長珍重過青銅
柏古往還看三分春色餘新綠百里秋毫數遠巒已是熟遊
遊未盡更從初夏一憑闌

官閣秋興

碧天如水靜恬恬領略秋光到屋檐幽鳥避風巢白穩涼蟬
吸露飲何廉且招閒客安棋局忽憶佳山啟畫簾豈畏沉迷
忘公事由來吏隱一身兼

閒來顧影亦伶俜酒入愁腸未易醒作吏漫分青白眼送人
先數短長亭蕭疎庭樹初辭葉窈窕溪橋淺露汀不是傷秋
卽傷別鬢莖那得不星星

得董氏西園竹數竿種之巖署書舍各賦一律

韋曲移來竹數竿便須日日問平安
就花疎處參差立趁雨晴時洗刷看
大好放梢沙路淨無多寫影月明寒
園丁賴爾頻澆灌爲鑿清池一斛寬

臘八粥歌

飽飫不思食肉糜清淨恒願披緇衣
雲寒雪凍了無悅轉用佛節相娛嬉
麝牙之稻粲如玉法喜曉來炊作粥
取材七寶合初成甘苦辛酸五味足
稽首獻佛仰佛慈曰汝大衆共喫
之人分一器各滿腹如優婆塞優婆夷
嗚呼此日曾名興慶節冬青樹冷無人
說何如佛節永今朝歲歲年年有臘八

灤江秋泛

峯危欲墮江江勢欲截石坡陀更數卷
臨江飲江碧饑蛟誤

渴虎掉尾不得出放舟水石間容與信擁攢山缺日作漏山
障日復匿波痕界陰晴鱗羽弄明滅一灣入翠微烟巒忽逼
仄轉幅不到處斜陽與收拾回望徧涼汀虛閣映纖月求仙
臺亦荒長春宮已沒一片秋精神千古濯魂魄往事難具陳
舟人爲余說

舟次趙北口見鴛鴦

嬌小鴛鴦不避人風輕沙暝往來頻一雙影外無非水十二
橋頭都是春未便成行誇羽族祇緣戢翼見情親相將又過
前灘去莫與尋常野鴨鄰

中秋後一夕鄧園主人招飲分賦

秋半閒園最繫懷得因嘗果召吟儕經連宵雨天仍霽滅一
分圓月正佳大戶未須懲宿醉小眠更爲啟新齋已來郊外

無拘束起舞清狂與客皆

陳豫誠

字健新一字霽巖錢唐人乾隆丙辰舉人

登賢書北上海滄留京師數載而卒

彈琴罷

直與性爲一至和天地通此心遊太古何在不春風鳥語自

爲曲松濤亦應宮凡音求悅耳桃李笑牆東

金文淳

字質夫號金門錢唐人也

尊開錄質字登燕子磯云濤聲寒夕照亭影落孤鴻絕壁疑烟而虛堂蕭蕭風句法甚佳又春痕如夢怯風尖恐非近日少

年能道此

隨園詩話余在都與金質夫文淳裴叔度曰修居最近金棋劣于叢而偏欲饒裝金移居裴以詩賀云追趨閣

閣兩年餘一日何曾賦索居雪苑對裁新著稿風簾同校舊抄書吟筒惠我寧嫌數棋局饒人實自譽早有聲

華傳日下故知名士定無虛余作七右一首中四句云我願同年如春樹枝枝葉葉相依附不願同年如落花

鷺漂鴈泊飛天涯。裴讀而歎曰：子才終竟有性情。嗚呼！此皆四十年前事。今裴官至尚書，聲施赫奕，而質夫爲太守，兩遭罪遣，謫戍以死。豈亦如花之飛茵飛圓各有前，因即金死後，余搜其遺詩，了不可得。僅得其遊張園

一首

同年袁枚寓齋宴集

高館生暮涼，喬木羅清陰。夕陽欲辭山，返景猶戀林。入門饒野趣，快此朋盍簪。崇臺敞虛碧，曲磴宜幽尋。開筵列蔬果，有酒羣酌斟。雜坐忘少長，縱論窮古今。茫茫一氣中，四野皆平陰。清風答高唱，飛鳥遺之音。蒼然與目謀，遠色來西岑。借君壁上琴，寫我太古心。

秋日借諸同年宴集袁枚寓齋賞菊

沿階落葉雨聲繁，蕭瑟秋光庾信閑。開到菊花無俗韻，勝於酒味是清言。一鈎月色當簾吐，合座朋簪入夜喧。計日重陽

佳節近露臺高眺斷塵煩

紅泉館待雪

遠山欲暮同雲銜老樹偃立當垂簾小庭遲雪若遲客濁酒
戒寒如戒嚴吐窗燈焰短復短入隙晚風尖更尖呼童淨掃
階下石安排白戰歌堆鹽

奉天上元

柳條凝碧晚烟升放眼良宵興倍增四面衣香三里霧一城
明月萬家燈何來錦綉當軒出是處紅闌有客憑他日夢華
徵故事玉簫金管記吾曾

同厲丈鶚陳阜城東看桃得花字

暖烟烘樹盡成霞十里平原萬畝花但有清溪通略約更無
隙地種桑麻衣香人面春爭麗白舫青帘酒易賒比似仙源

應不愧後他籬落野人家

張

果

字誠然號蓋翁仁和

姚之屨蓋翁詩序略曰吾友蓋翁性剛直內外斬斬義
 或引繩批根初若難堪者既退未嘗不稱道其美色相切
 難若身受之葬死孤孤汲汲如不及四歲失恃十八而
 孤三十二而鰥女天子誓獨奉後母一弟居舌耕不給
 而妹及族之喪與獨者復待食焉為弟授室子終不得
 娶以死少時母尚未葬適先塋見纍纍而殯者輒心動
 自是凡十五京師渡河逾江走關陝粗衣糲食惟恐過
 每歸輒葬數棺三十年來所葬已逾百矣始生時大父
 夢大治令來謁衣冠耀然捧其首而拜垂髫時方壯醢
 輒見有馬從雲中來躍而騎自視鬚眉奇偉被髮白袍
 蹴踏大海波濤間既寤則暗室中光明異常纖毫畢見
 每語及古今節義事躍躍神動忠孝之性豈偶然哉

五十初度述懷東邵思餘

細柳青蒲刺眼新百年贏得半閒身
秦關楚嶠供詩料鶴子梅妻結夢因
把卷不知雙鬢雪栽花惟望一枝春
風塵來往

誰相識安樂窩中偶卜鄰

津門舟次

知是魚鹽地人家傍水居名園經雨後野艇受風初濱海流
全濁迎秋柳漸疎蟬聲驚午夢不得到華胥

除夕之日偕顧孝廉凍園郎處士嘯園訪孤山梅喜遇

石田和尚次凍園韻

歲晚務閑欣有伴沙乾艸軟靜無塵半篙鳴綠消殘雪幾點
腥紅應早春破塚塊然誰是主高僧戾止更何人妻梅子鶴
風流在他日歸休許作鄰

簷簷亭主人以破琴瘞鶴於園亭石畔徵詩悼之

琴鶴相隨古有之鶴亡琴在轉生悲難禁化羽登仙去却令
焦桐入地隨風過竹間聲寂寂月移亭外影遲遲長歌當哭

爭傳頌我輩鍾情莫笑痴

丁丑春母壽日敬賦

花花葉葉歲寒姿
插向瓶中介壽宜
半畝荒園一畝硯
八旬老母六旬兒
擬開笑口惟團聚
暗動愁腸是別離
數定妄希旋轉力
自慚薄積竟何爲

立夏前一日旅店作

八上計偕春夢醒
殘醺剩有墨痕香
東皇將別猶憐我
飛送榆錢滿客牀

七月十二日偕成子可堂沈子春畦伯鸞送成貞女暨

汪生合葬定香橋

憶昔遭家禍雙雙正妙年
拘幽齋志沒聞訃毀容眠入地
璧方台飛天鏡不圓窮泉相見晚
無忝柏舟篇

寄答古渠

時赴任同官

又縮銅符西入秦河聲岳色待詩人驅車驛路觀收稼畫壁
旗亭快飲醇非百里才頻出宰作三秋別轉勞神千鈞一髮
延書種尺素惓惓見性真嗚吳郎勤學

戊子正月二十三日爲老母九旬壽

九旬老母七旬兒環繞慈幃進壽卮轉眼十年駒過隙紫心
萬縷繭抽絲皤然手足都無恙叢爾門閭尚可支自責自嘲
還自幸一瓢春酒一篇詩

洛陽于童君二樹志館中見亡友思餘遺集感賦

滿頭髮白雙眼青落落舊雨如晨星沈南邵北吾益友賢于
兄弟敦典型生得知己死不恨恨皆先我歸幽冥出處兩失
左右手傷哉井渫羸其瓶萬里九招魂不復幾同馬革僅裹

形白日飛靈驚冢嗣棄官徒跣真伶仃負骸返葬西山麓骨
月四散紛飄零自我不見十八載昏昏夢覺常惺惺絲蘿互
結膠漆固夙緣未了目未瞑死長已矣生不忍忍令蓬轉波
飄萍老馬爲駒三至衛感懷舊事嗟頽齡客窗突見舊吟詠
恍聞咳唾來中庭一讀再讀三嘆息匡我不逮遊君靈

追悼法音禪兄暨樹虛吳居士

力疾封師塔傷哉匍匐情去來通一氣付托了三生執手神
先別傳燈夢不成十年簪盞地倒屣有誰迎

陳景鐘

字凡山號墨葉錢唐人乾隆辛酉舉人著清波小志補

陳焯曰凡山先生住清波門內六官巷戊午歲下帷得
花書屋課子弟兄辛酉亞元偕先君北上著北遊草後
隨蔣恒軒中丞赴湖南著楚遊草俱刊行世

長橋

長橋側宋時有朱孃酒店水心集朱孃此云憶昔
剪茅長橋濱朱孃酒店相爲鄰自言三世充拍戶

官拋萬斛嗟長貧案宋耐得翁古杭夢遊錄宋時酒
店除官車子脚店之外如花園酒店直賣店散酒店
巷酒店俱謂之扣戶長橋自王生
與師兒同死後人亦呼爲雙投橋云

朱孃店外鵲鳩鳴野步無人小艇橫一曲雙投橋下水春風
吹雨弔王生

雷峯之下如上清宮普寧寺淨寧院皆古刹也今已基
址莫攷矣乾隆戊午冬予與柳亭鴻雪步迴峯之陰
並湖而西悉菜圃桑畦荒邱冷厝雖有一二漁舍禪
關亦柴扉盡掩寂若無人因拈一律以紀荒涼之景
賢蓬嶼舍瀕湖住拍拍西風浪捲花野赤柏林鴉逐伴敗黃
蘆岸雁成家地荒莫問前朝寺烟冷空連臥水槎惟有斜陽
千古在危峯孤堦畫殘霞

二哀詩辛酉春予爲紫珊守廬兩先生作

黃雪山房老西湖舊隱淪詩成一代史志表百年人喬木風

猶昔衡門草又新篋中猶手稿相對淚沾巾

逝矣田居士南屏賸艸堂野禽穿枳落荒竹壓書牀字古墨

流豔詩寒句有芒路人憐孝子相率拜題坊

吳可馴字驥調仁和副貢生

沈廷芳著南圃詩鈔三卷
應而好學長名可馴字驥調少即以能文稱乾隆六年
仕而詩逾工嘗赴宣化葺郡志凡塞外之土風山川草
木之狀類泰漢以還之事蹟盡抉其
奇閱以成書為北方圖經所僅觀

題翟晴江郊居圖四首

東皋風物好一徑掃喧塵誰識機雲屋偏於水竹鄰門開迎

野色客到醉花農長此尋遐賞真成獨達人

我家曲江上屋後枕青山山色共朝暮江湖日往還與君同

市隱終歲隔塵顏南北兩相望白雲中自閒

京國尋鷗侶常乘款段過僦居聊復爾座客不嫌多暇或著

山志時還擊缶歌重陽佳日近自壽意如何

晴江著
東皋志

豈爲浮名惜憐君在遠遊那堪悲下第獨自賦登樓白口鄉
心暮黃花客眼秋一樽須盡醉莫復感羈愁

登蕭遠樓有懷汪西嶺

樓在口北
道署東偏

故人疎問訊選暇獨登樓千里共明月一時生別愁笳悲山
色暮潮長海風秋寄語家江客何因盟白鷗

甲子秋日趙飲谷先生自陳州至津門訪蓮坡主人於

潛宜書屋卽席分韻

衛河千里一帆通褰履追歡笑語同住日漸臨簪菊會先生
真似浣花翁捲簾雨閣秋陰外刻燭詩成夜漏中從此直沽

添勝事入林高詠有山公

集芑花館題陸包山承天寺福興院畫卷

姑蘇遠近高低寺六十坊前慶雲被剎幢最古是能仁殘碑

勒載蕭梁事

寺在蘇州甘節坊梁衛尉卿陸僧瓚捨宅創初名廣德重元宋初改承天能仁北院禪

棲花木深名流往往高軒寄誰與題壁抒麗藻石田倡韻楊

祝次

沈高士周楊儀部補吉祝京兆允明

三公雄筆鎮山門直等江心玉帶視

六丁一夕下取將隔代吟魂孰招致包山水墨化結習滯毫

灑灑含清思失詩乃以畫補之畫成詩亦復附志

僧松隱屬包山畫圖

黃志淳書三

完斯公案非偶然詎獨老僧愛文字何時散帙

來北原收入米家書畫記蒔花主人癖嗜古寶此不啻千緡

值長夏招要避暑飲傳觀競樹詩壇幟塵世茫茫感廢興我

來把卷發深喟前人捨宅創浮圖後人據寺竊閭位可憐築

土號三興黃葉西風驚夢寐日月光懸燭火熄後宮滅盡雙
蛾翠蘭若粗能復舊觀劫灰旋又幾銷毀斯圖歷今二百載
前輩風流故未墜乃知壽世重六聖作緣底用金布地展之
壁上當臥遊疑有濤聲出松吹一名雙蛾寺舊有二異石故
名元至正末張士誠據以爲
宮洪武初復爲寺正統中燬
成化中僧道澤戒昌重建

太鴻徵君別買小舟以詩見示戲答

扁舟穩坐瘦維摩搔膝孤吟意若何自比襄陽泛書畫真堪
笠澤狎煙波片帆緩渡山容出一樹涼收水氣多還有柁樓
雲鬢在臥聽子夜發吳歌

張世榮

字寓春一作寓椿號無夜又號妙峯錢塘人乾隆
甲子解元著頻迦偶吟南華摸象記楞嚴了義

杭州府志文苑傳張世榮生時母夢大士授青蓮自號
夢蓮生工詩多法唐人書法東坡性落落寡合然與人
無機心晚年學佛也化於潮鳴
寺其同年友汪憲齋贊葬之

碧谿詩話無夜先生又號妙峯乾隆甲子鄉試妻父方
翁維昇皮奉關壯穆一夕夢降于庭因問張某科名神
曰汝自檢鈔袋見蟹兩半隻遂覺解之曰半蟹爲解兩
半合則圓矣榜發果解元屢北上不第工詩家貧館食
四方工書嗜酒人求書必飲盡醉醉後輒隨筆作書晚
年與妻方同習禪誦方名邁慧沒後逾年於吳門舟中
夢方乘空而至有二童子執燭前導其施
白紵紅絲上書清故方氏四字大笑而去
除夕寤甚

計拙無衣食

杜句

時哦老杜詩驚書酬價薄借米療飢遲北上

真爲累賢書徒爾爲却歎元旦近喧聒不多時

望識舟亭

在蕪湖王恩任作權使易今名蓋取小謝天際識歸舟句也

赭山南去見高亭密竹深松映曉晴今日歸舟誰識我更無

人似謝宣城

南屏秋禩

并序

劉楨魯都賦云素秋二七天漢指隅民荷祓禩國子

水遊是魏時用七月十四日也又漢書禮儀志八月
禋于滌水則秋禋又在八月但不知何日耳

蘭渚春風悵渺然秋高猶得集羣賢屏開翠嶂鐘聲動寺倚
丹崖塔影懸迢遞碧雲翻白雁澄鮮秋水漾紅蓮騁懷游目
兼觴詠不羨山陰勝地偏

過觀梅古社

舊南樵署今祀林和靖

處士孤山逸叢祠水部廳繡袍今錯采白鶴舊精靈玉座莓
苔紫湘簾樺燭青冬暄梅綻蕊丹的幾星星

大隱偏朝市何須滯聖湖欲懲貪墨吏故像列仙儒

額跋云南樵利

藪非清高處士

雪雀喧叢篠風鴉落槁梧流連觀二妙簷日

任西祖

雖有藍田叔僧明綱字畫石刻

自青石橋過秦亭山至西堰橋買舟

五載溪橋得重經
兒泉畔見攜瓶
松林白塔藏山寺
茆店青旗過瓦亭
躑躅亂開千點紫
蕪菁平吐一畦青
瓜皮小艇堪眠臥
剪取春波勝綠醪

憶李生磐安

生樂平人余去歲臥病書院自七月迄十月始痊李晝夜侍湯藥不倦今南歸匝歲

矣兩無音耗因作此詩

潦倒劉公幹
漳濱臥病年
萍蓬原不定
水火况交煎
形影愁吾獨
提攜覺汝賢
可憐懷抱盡
汨眼颯泉川

梅家橋遇薛澱山小飲

題襟載酒十年前
不道相逢棘院邊
白髮崢嶸吾獨老
黑裘凋敝子誰憐
文無壓架紅包密
錦帶穿籬翠縷鮮
魯酒驅愁多亦得
任他疎雨濕青烟

蘭江晚歸

到家妻子喜飢冷見塵生已自囊空澀其如望滿盈且炊紅
稻飯更茱白秋羹忽墮杯中月還疑江上行

萬峯上人有燒筍之約宿雨初霽同集山舫遲淨慈方
丈不至和作

膏雨初晴潤未銷滿湖新漲酸葡萄旋螺徑曲紅香膩啼鳥
音殘綠影高禪侶招攜參玉版酒民襍襪索春醪碧雲易合
人殊遠一路鐘聲送晚橈

春仲偕花龕王居士過雲岫庵訪孟上人歸繞沙河尋
馬仲楨卜築故址得詩二首

拜竹織青埤團團落寒翠遵畦踏菰葦經聲出松吹童子知
迎賓馴犬銜帽帔陽和藹金繩萌笋坼陰地上人秉天戒幼
不餐癩膩忽厭幻泡身欲了生死事除夕躋北峯雪大火不

繼烈風撼茅棚寒凝龕燈細胡跪染緇衣薙髮落如薺城中
十萬家錐刀逐微利我生耽禪悅鈴馱墮上計聞茲涕淚流
墮落乃不啻坐久佛香低煙雲裊空際微風颺落梅鈴語遞
嘹唳

蹇步喚溪艇隨流任歸風既過鐵壚步復繞沙河東春波淥
于竹殘陽漾微紅林杪白煙生水霧淡瀾濛間詠心庵句古
人誰與同花龕選佛場香燈伊蒲供近患目管昏稍疎持誦
功我苦值歲歉蹤跡類磬鴻仗茲功德水一洗塵眼空

汪

憲

字千波號魚亭錢唐人乾隆乙丑進士官刑部陝西司員外郎

錢陳羣傳略曰魚亭爲予主試南宮所得士戊寅補刑部陝西司員外郎明年以父母俱同甲請歸里居定省數人時夕討論經史疑義詩文不多作作必精諱一字未嘗往往沈想經史疑義詩文不多作作必精諱一字時必厭意始脫稿

未文藻賦曰往歲甲申滯留靖江吾友嚴鐵橋取子所
製文達之此部汪魚亭先生先生賞予文遂屬鐵橋為
介明年館余於靜寄東軒日夕校讐經籍悉發所藏俾
研究其中軒有花木水石之勝主客同遊十數人常以
投壺賦詩為娛樂

朝

延購求遺書長公與選善本經進

恩賜鳳文韻府并擇其精醇者

御製題詩仍俾珍藏以為好古之勸先生積數十年精勤遺

異數泉壤增榮洵不虛矣

二月三日潘秋田梁視公兩大令陳春齋編修邵椒石

庶常枉過靜寄東軒玉蘭初花登樓限韻

白日麗光春晝靜落盡殘梅柳芽迸熟客數輩來叩關相看
一笑倒屣迎挑菜節過二月二岷岷情懷何所寄老樹得陽
花驟開玉作肌膚蘭氣味小樓高踞花之東千朵萬朵森玲
瓏不肯低頭照俗眼仰天作態搖春風憑欄坐久思茫然眼
底嚮嚮眇眇生烟置身恍疑在鶴背使花為鶴當乘軒

和儀封張錦堂上舍 琦湖上卽事

瓜皮艇子任徜徉忽地催歸暝色蒼到岸自橫楊柳下俯聽
篷背雨淋洄

洗盡鉛華到骨清兩峯秀色與詩爭竹枝采入西湖曲老鐵
風流有繼聲

南屏山舫雨中訪王士會鎮之兄弟臥起有作時士會
將還蜀鎮之送之江右

山舫從僧乞松風許對牀馴鷗渾是客別雁易爲行宿雨清
明候簪燈花木房團圞也容我離夢定分將

江雲溪招集寓齋以詩見贈次韻答之

白石仙人呼不起馬塍烟冷古城隈相逢黃海浮家客載得
揚州明月來異代瓣香歸大雅淺橋流水泥深杯一航槎觸

催歸早不是樽前興盡回

蓮居庵修禊同用梅宛陵韻

橫河雙橋修眉綠窈窕城隅比空谷河流轉處蓮居庵花木

深深幽趣足殘碑三絕費拂拭

虞長孺之文經奇李長蘅之書史硬宋比玉之篆蒼嚴樊

卅東城雜記云爾

借取新濺裙幾幅遨頭老輩證前塵西湖和遍花

游曲清游今喜朋簪盍晤到拈花離凡俗葯園皋園徑術通

榛芳闌白衣冠族喬木誰家長子孫比鄰盡日喧童僕惟有

春光慰飄蕩不隨長物同棄甕石鼎汲水付僧雛薺菜和根

炊客粥人生會合風團絮陳迹俯仰車轉軸佛火催歸未及

曉古驛流鴉倦遊目

繡谷亭紫藤盛放步入瓶花齋牡丹未殘坐久雷雨口

占呈主人

斑斑卻掃爲藤花深屋嫣然雲鬢斜似遣齊奴開步障不妨

姚左各名家草堂兩地春都滿詩草同時客共誇新羅山人寫藤花圖

幘頭題詠者共十一人讀畫嘗茶真不惡漫勞急雨掣金蛇

伏日陪杭太史陳太僕諸公南華避暑分得山字

三十六鷗飛不還綠楊依舊倚潺湲名園避暑娛新節大雅

扶輪借小山藉甚聲名元白在過從親故紀羣間倚樓未覺

前塵幻乞得清涼羽扇閒

題嗜酒愛修竹圖丁亥初夏值良園先生於荷風竹露草堂方與筱飲酌池上倩賢阮寫真

未脫稿逾月又同過散花灘雲溪寓齋筱飲後至袖

出嗜酒愛修竹圖蓋補圖甫竟墨淋漓猶濕也立秋

前一日先生以此軸屬題疑卽是前畫及展視則別

爲梁溪吳生筆夫境遇偶耳屢見於畫而不易先生

其真有嗜且愛者存耶漫題幘首并牽連及之

春杯婪尾四月初陸家老屋多林焚寫山先生太古貌水禽

仰而窺窗虛補圖著意尤不苟荷風竹露真能手自云興來
不暇懶濕墨叢篁動戶牖我時對客歎奇絕良園風景宛無
別江郎雲勸酬何郎東醒笑指微渦眼生纈東軒赤日射前
廊長須背負畫在囊檻頭有題舊所識斯圖雅稱小軸裝挂
壁徐徐究畫理失却探微逢道子神明標格將毋同與我周
旋復爾爾先生嗜愛何其專肯隨時俗見異遷消受直須盡
百本占斷清福耽林泉苔花差差隔清晝日暮無人倚翠袖
月明吹夢到滄浪涼露滿身秋竹瘦

張

燭字曦亮號南漪仁和人乾隆丁卯舉人舉經學著南漪遺集

杭世駿南漪遺集序略曰南漪雅才淵思于書無所不
窺搜取剔隱于史學尤爲專長晚年吐棄浮豔壹意於

經天子方求碩學之士公卿交上其名徵諸京師四方待
詔駢闐久未集而南漪以故

人之招南回甫抵家病卒

兩浙輶軒錄

卷三十三

張燭

辛

自虞山至徐市

漾舟送溪風漸失城下路夾岸秋蕭蕭未辨遙村樹悄然客
望迷前淑不知處綠流忽復轉時與渚禽遇落落幾人家邱
樊翳盼顧荒亭驢臥閒溝塍屢回互田女訝來舟偶語輟農
務投止望林廬日色已曛暮

四月晦日雨中送授衣江皋之維揚

遙林溼翠雨斑斑春盡西湖樂事閒別澗有聲爭入浦暗雲
如夢欲遮山還攜勝賞風烟外忽發孤吟水石間悵悵河梁
分手近且將尊酒緩離顏

南沙送友歸里

槐柳陰陰覆艸堂好風薰面上河梁溪翁笑我不歸去却送
故人還故鄉

竹田至邗上同飲項氏露臺

梯石扶闌上憑高憶舊遊故人原共酒薄暑已全收晚樹團
清影涼雲釀早秋更聯徐穉榻永夜此淹留

葉世度

字敬思號雨齋仁和人乾隆戊辰進士改庶吉士官知縣著雨齋文餘

朱文藻曰予弱冠卽耳熟雨齋先生詩文名久而求其稿不得見頃從孫雨亭處得其遺詩數首雨亭云先生初在翰林有函齋太史文稿行世後改授知縣因頓仕途既歷復起乃爲雨齋文餘百餘首其自序嘗前人假設故其詩皆自寫已意不問工拙云

南陽城下阻雨

重陽前一日

滿城風雨近重陽

唐人句

沒髀泥深道阻長暫息征塵良不惡

怕循覆轍未須忙行程本不關行役異客居然非異鄉

王右丞九

日詩獨在異鄉爲異客今南陽予宗望也將毋先入故里歟

且學隆中高臥者旅窗一枕

聽淋浪

王曾厚字念箴號栗阜海鹽人乾隆庚午舉人由

程晉芳栗阜詩鈔序略曰先生賦性清粹根柢深遠故其詩浸涵卷軸筆無瀾言鏗鏘逸韻一展卷而知為唐音也泊乎出綸閣下滇南踰荆襄溯湘沅楚水巴山出入茲途者三四關河險巽精神以苑結而滋發故其詩又崛強瑰奇足以壯其崢嶸磅礴之氣殆如少陵入蜀後所為紀行者近是

過時晴齋懷汪文端公二首

停車問字經過數下直招尋尊酒頻書帶康成畱履齒墨池子敬寄簪纓蚓蛇春雨暮他日鱸膾秋風澹一生最是難忘論指法細筋入骨是真卿

一灣池水蹙風湍新漲春來映竹寒人坐石臺魚釣近花藏藤架鳥窺難研闢米老添新築今申笏山前輩寓此小墅東山舊藥欄落日莓苔幽徑熟銜杯仍得罄交歡

漿潭渡黃河

憶昔踰淮歷清濟循河到海觀海市又探星宿龍門顛銀灣
瀉入胸懷間今來滎澤秋山晚幾度臨河不知返綿亘九曲
分太史此曲應知己過半落日蕭蕭帆度時影沙碧石大風
吹一時雷雨相併作共道蛟龍窟宅移千尺白浪如山立榜
人奴子相喚急一葉中流縱超越百年軀命爭呼吸軀命百
年奈若何窮愁顛踣幾經過平地窘步類若斯賦命涼薄輕
風波須臾風定泊沙渚水鳥飛鳴艸蟲語山頭月出樽罍開
百里青蒼環底柱人生哀樂亦何常縱酒高歌且莫傷九江
三漚前途在拍天雲水兩茫茫

蜀江行

百川東注海南北各分派人與水爭地水迺越其界異哉岷
江流奔騰吁可怪絕少平地行萬山爭阻隘初發岷嶽間匯

合峨嵋外衆流七十二三峽爲長塞劍門入天迴瞿塘兩壁
對日車常恐翻飛鳥莫由屈怒濤滾滾來高下恣澎湃氣挾
龍鼉壯意無岡巒在高者踰峭壁勢急不能退下者坳沙岸
寧與石俱碎巫峽共巴江相持成兩大迴顧行艤子飄泊如
浮芥重疊峭崿魁反覆盤汚瀨篙師一脫手往往遭摧敗壬
辰夏奉使挂席來江介職膺楚貢重小懲復大誠所駕十一
艘二艘行且壞十萬昆吾金沈作魚復貝左右長髯奴沒於
浪者再微軀老殘喘尙荷皇天貸白鹽銜粉壁赤甲張明瞭
錦石麗汀洲烟蘿拂青黛艸堂吟嘯地何必迫警亥兀坐風
波闊愁看六合內巴酒壓驚魂一醉頽然廢

池陽江上望九華山

昨出匡廬北石梁望了了無端阻湓浦未得穿林杪茲晨溯

石埭庶足恣幽討船頭水勢緩蘋末風來小春泉注菊所名地

彭澤音聲杳秋水漲梅根名山高閣空文藻府西文選樓向以昭明讀書處以

茲悟生理曷用浮名擾沙際浴青鳬林皋飛白鳥巘岵條當

胸九子立天表奇豔終南雲秀絕女几曉橫枕大江濱吳江

俱在抱百里逼鄉井白首缺登眺遠訪他山尊反失桑梓好

風帆撲黛色柔櫓入巖篠願言搆小築將以營我老

張

岡字任齋一字玉峯錢唐人乾隆庚午舉人

新秋夜雨

一夜飛殘雨蕭然暑氣微秋心謝團扇客思到寒衣地迴砧聲杳家遙尺素稀誰憐淹旅館孤坐閉烟扉

題孫羨門渡海圖

酒醒燈昏後欣披渡海圖海花千嶂立風急一帆孤

戴王祥

字吉甫號東山浦江人王微弟乾

戴瑛曰東山以廩貢初任秀水中舉人升歸安前任老

子如京丙子舉人將選廣文而歿

癸未冬僑寓錢塘送桐峯八弟之都

可憐人對可憐宵苦雨巡檐閣沈腰爭似機雲偕入洛東西

老屋好相邀

一馮兆觀

字鏡堂山陰人乾隆壬申舉人官安邑知縣著小蓬萊等集

郊居偶作

小邑清流岸荒郊白板扉山深秋氣早林密曙光微問字人
非數投書客亦稀寂居無一事真息漢陰機

晚遊

漠漠野花晚搖搖水柳輕高原頻獨眺小嶺偶徐行山月知

隨客溪雲邨入城南禪望不遠隔岸送鐘聲

謁陸放翁墓

鑄劍峯東訪石旌放翁墓上草離離誰憐鐵馬黃河恨獨賞
春花夜雨詞萬里人歸餘舊夢三山居定富新詩後生儘向
遺編認未識金丹換骨時

鈔讀劍南詩復書長句於後

曾向茶山一問津江西派別擬非倫杜陵詩在得其骨賀監
湖荒老此身不見九州同有日空傳萬首替無人蓮花博士
雲烟吏應住山陰五日春

李

集

原名集鳳字釋芻號敬堂秀水人乾
隆癸未進士官郎縣知縣著願齋集

梅里詩輯先生少負絕異之才下筆浩瀚不可端倪多
雄偉奇傑之作無纖靡能巧之音洵足上接杜韓下繼
先徵士朱王諸公令郎多惠政築陂池焚妖木偶邑人
頌之云風烈何殊陸清猷神明已逼鄭山公歸田後解

兩浙輜軒錄

卷二十三

戴主祥馮起觀李集

辛四

去韻語專精研於經學務以漢唐爲宗詩文有裁闡抱
琴桐華館六忍居諸集五經有願學編信古錄無邪訓
雅言明微等書載於家

寄懷朱標謝

尙憶鴛湖耀楓林得共遊如何一尊酒翻作百端憂意氣親
霜劍飄零逐水鷗至今涼月上夢斷荻花洲

贈許晦堂兼以送行

朝來遊子欵柴扉五載離情手重揮海內論交憐我在吳中
詩格似君稀佳兒膝上誇文度香茗閩中惜令暉君甫好是悼亡
北堂春晝暖咳蘭馥郁上征衣

馮

浩

字養吾號孟亭桐鄉人乾隆戊辰進士授編修歷官山東道御史著孟亭詩文集

吳肅庭曰孟亭先生領乾隆元年丙辰鄉薦迨六十年
乙卯歲預行丙辰恩科鄉試遂重赴鹿鳴宴以子官封
鴻臚寺卿卒年八十三著述甚富詩文集之外有李商隱詩文全集詳註行世

荆中訪見惠山

青山斗入空峒裏山氣薄入襟袖起此身坐卧此山中何曾
限却衣帶水山頭晴雲作絮飛山下落木山風吹復開水面
寫山色煙鬟隱現時可窺鸛鷺湖邊無寸碧秋蟬春鷓思蠟
屐山靈莫笑行客忙老去方宜弄泉石

路上草

路上草何青青昨宵一雨土氣潤曉來簇簇抽纖莖南車北
馬馳不停土人平土鋤使去比於朝菌尤先零世間微物具
生意託根失地難長榮兩行官柳爲表道攀折未許垂盈盈
野田平碧曠無際叢蒲亂葦攢迴汀惜哉不作堯階萑

拜于忠肅公墓

九廟將傾隻手當旋令中外固金湯濟時遠勝唐靈武失策

義稱宋靖康絕寒居然生馬角元勳何罪死魚腸氛霾披豁
青霄朗高揭丹心日月光

浙水前賢每絕倫史編先後炳經綸青田草昧襄真主新建
蒼皇縛叛臣各展英謨崇列爵公昭偉烈獨戕身天教岳墓
隣于墓間世忠魂赫赫神岳于皆成神前
在岳墳後乃于墳

遊青山莊三首

層層麥浪湧春田小徑縈紆謝墅前夾岸通橋平似掌沿堤
累石亞於肩林藏巖洞深逾秀花帶烟雲澹倍嬌最愛流波
渺無際遙汀微露釣魚船

芳園歲久如圖畫金碧當初枉闕奢老樹閱人更幾姓修篁
避俗自成家雨淋敗檻藤浮沼風撼虛堂燕集沙猶有野農
能好事桑畦畱得小川芽

塔鈴喚醒世間人名勝惟娛現在身粉壁縱橫塗短碣酒觴

稠疊整新茵壁嵌晉宋名喝皆爲灰粉所汚當事公譏必設席於此平泉花木徒勞記

金谷繁華早化塵南望故鄉懷俗圃雪中鴻爪有前因曹秋岳先

生倦圖亦數易主余曾僦居二載

橫江雁并序

虞伯弟歸自湘南圖長江雁字一幅浩憶我先祖墨

妙有自題雁橫江似鵲填橋句中心感慕遂錄以識

之香樹尙書爲題橫江雁一篇敬仿其體載識幅末

兼用呈謝

橫江雁獨倚高樓悲不見縱使春歸秋復來水雲幻蹟難重

按雁橫江銜蘆遠度得幾雙衡峯回首五千里影落隅素當

書窗忽逢老鶴來踟躕俯視羽族中情聯肯將舊譜南飛曲

移入新聲朝雁篇歌聲高以清天際聞吹笙振羽若赴節肅肅思遐征歌聲清以婉獨爾樂車轉飲啄戀園池煙露滿長吟短調宮商換悟徹天機皆一貫畱作詩家故事傳焦桐千載彈清散君不見橫江雁

守風遊安隱寺

櫓柔風緊忽騰波小泊尋幽策杖過列舍敝依山間寂一僧閑伴客婆娑征途耐渴清泉美眼界凌空秀野多上河水不此泉山勢畧猶有子京遺榻在未隨灰燼託巖阿可飲初有斷百里平主人天籟關中物也鐫款墨林

清蓮寺觀魚

青天是游鱗倒影載池水琉璃遜剎淨銀海愜洞視大魚洋洋樂小魚策策喜金光交翠色閃爍落還起荇藻絕寸縈局

嶼成聯峙盤迴終日間咫尺百千里潑刺勢欲翻噉啣隊旋
倚何如縱江湖勝詠濠梁旨

秋草二首

風欺露壓夕陽烘極目平蕪遠道中袍色舊來人白髮燒痕
新處樹丹楓寶鴻影潛還離北天馬蹄輕早向東莫爲登臨
動惆悵每緣蕭瑟蘊青葱

迴首春暉去已遙苦心寸寸未全凋頓遭敗葉埋荒徑長引
寒蘆到野橋內含淒清催節候祖洲縹緲失根苗葢蠶吟徹
霜鐘裏自比啼鵲悵又饒

兩孤鳳辭

并序

桐鄉縣鳳鳴里國學生朱仁本妾李氏陶氏仁本卒
李年二十八陶二十七遺孤李出纔兩月二人誓志

死守堅貞純白家至貧織作勤劬撫孤成人爲難能
也先哲程明隱集中孤風辭爲崇德梧桐鄉鳳鳴里
朱節婦作節婦方氏夫朱原震生一子未晬而寡年
二十八與今李陶事一一相合而以妾儕妻以二協
一遇苦而行芳倍之矣余邑人也援舊聞而賦新篇
雖不工願爲當代詩人引焉

有風有風仰一雄翼左右戢心雙同朝歌夜舞樂易窮雄兮
變滅隨飄風兩風初伏枳棘叢五彩傳體何丰茸連翩集止
羣鳥空一朝慘澹呼森窈斑斑血比啼鵲紅孱魂九死迴深
衷嚴嚴冰雪凝春冬食必苦竹棲孤桐孤鳴鵲嚙啞西東青
雀語投鸚鵡工我口已瘖耳已聾心精皎日懸當習惛服百
怪輸虔恭他年泉路無慚容一風舉雛衍爾宗一子兩母情

融融不知出自誰腹中遺雛長大聲階隴九萬里俟扶搖翺
返哺庶使飢腸充悲詞肯誦吳隱翁鳳鳴里朱節義崇越四
百載追芳蹤石田有壁兼有琮培塿翠柏偕青松地靈炳采
積愈豐或者世系原遙通何時吏管書以彤鸞章下賁旌且
封兩凰抱德彌虛冲潔身育子奚言功篇成霜夜號寒蟲婆
酸又聽寥天鶴

兕觥歸趙一十六韻

前明萬歷初常熟趙文毅官檢討

穆官庶子構兕觥以贈歷江陵奪情延杖除名欵許文
五世孫王槐明府詳翁覃溪及諸君詩文

文毅拜杖時陰雷動天異

編修武進吳公中行首疏同杖聯

起天鼓大震墮肉脂而藏中閑疑血淚

體肉潰落夫兕觥爲

故據以爲言餽贈銘勒廿四字前輩頌陽生論交初未貳

欵云頌陽生許

題門戶此萌芽班聯紛擊刺禍烈人凋殘運窮國殄瘁大端

垂史書遺物綴傳記推移二百年復始歸南嗣追溯收儲家
六七屢遷地朋來競捧玩酌彼或酣醉斯須設輕脫非意驚
翻墜諦觀古色深沉黝溢溫粹感歎昔諸公一一神所庇拜
藏欽祖澤禪祀守宗器舊侶玉杯亡許文穆鑄玉杯贈江東
吳公今不知所在
無有二恒山並高門忠毅鐵如意高邑趙忠毅物
以同姓敬及之

程

燾

字九峯號雲軒仁和人乾隆戊午舉人由
中書累官太僕寺少卿著鳳啟堂詩文集

汪永需神道碑畧曰公先世由新安遷杭高祖章順治
舉人青浦知縣曾祖光緒杭郡諸生祖名高杭郡貢生
湯溪教諭父鏞錢塘諸生公由仁和弟子員乾隆戊午
舉于鄉試補中書舍人派軍機處行走蜀有軍旅事公
隨經畧傅公往以功擢兵部武選司主事轉員外保薦
御史充方畧館纂修官回部用兵以索嫺軍務授洮岷
道西師凱旋調江南鹽驛道遷安徽按察使母憂服闋
授安徽布政使調西安署巡撫事授湖北巡撫左遷江
西布政使內補太僕寺少卿扈從
木蘭得疾告歸就醫吳門不起

送福節使赴軍營

詔頒虎節尙嚴更匹馬嘶風破曉行壯氣披雲開峻嶺忠懷
捧日煥堅城單身詣壘聲光奪草檄宣威虜遂平我是當年
老軍吏料知轉盼已弭兵

登華嶽步廉使秦前輩韻

五嶽奠坤輿總自鴻濛闢太華肅金天原從巨靈劈芙蓉印
仙掌首陽遺履迹託體無寸膚嵯峨成削石壁立撐雲霄去
天只尋尺一峯爲真宰衆山皆跼蹐澗道幾千盤逶迤試蠟
屐行行上天門恍與塵世隔洞壑絕離奇岡巒復怪僻松陰
蔽天漢幽谷神仙宅我欲縱大觀陟險良弗惜攀鍊躋危崖
托足如巖突盤桓升絕頂胸臆豁然書左顧熊耳小前俯中
條窄太白與終南相看皆肘腋黃河九曲來山勢幾相逆發
自星宿源漁津竇喉咽關河百二雄瞭然在指畫雲從下界

生瞬息山腰白千峯與萬峯截然惟露脊旭日散烟靄青嶂
轉光澤爽氣橫襟期涼颺生羽翮待搜玉井蓮更披蒼龍額
夜靜明月下坐聽希夷易歎息百年身勞勞多行役安得飽
烟霞因茲豁平昔

梁肯堂

字構亭號春淙錢塘人乾隆丙子順天舉人樂城知縣歷官刑部尚書漕運總督著石幢居士吟稿

魏成憲曰公中乾隆戊午副車丙子舉京兆試充安官教習由直隸知縣洊歷總督內擢刑部尚書旋督漕運恭守

高宗

純皇帝裕陵三年以尚書銜引年歸里里居數日而卒年八十有五遺疏奏上

恩諭加祭一壇

湘南道上懷家兄晴沙先生

難難非失計兩地憶分離肯貧青春好難忘白髮悲汝清襟
海國風雨晴江渚到處雲山迴誰處常棣詩

澧州灘行卽事

刺舟涪陽行船艙永朝夕彎跼浹旬餘莫釋足盤蹙隣舟有
過從稍稍破岑寂常慮涉川凶震來恐號號童僕去已遙獨
往意尤迫忽云上前灘懸流激危石一葉波中翻楫柁倏已
折蓬飛風掃擇篙師窘無畫聞者變心顏誰歟體悅懌須臾
過前舟目慘心逾嚇橫板載沉浮不識中有客但聞漚漚聲
逝矣歎行役

歸途次淥口

淥口湘波合圓沙聚綠蕪屋緣山曲折舟渡水縈紆冷意憐
黃鳥閑情愧白鳬邨墟重小泊念舊一踟蹰

秦淮泛舟

管絃絃么簇畫船河亭風幔闌芳鮮消魂一曲秦淮水纔見
垂楊便可憐

癸酉小除夕

踪跡真如不繫舟堂堂光景速於郵應酬門戶憐黃口料理
齏鹽累白頭送臘縱銷千日酒挑燈那遣萬重愁祇餘舊雨
耽文雅分榻論詩爲我畱時延吳大鞠田度歲

咏冰用東坡韻

銅盤滿貯涼氣生蒼蠅歛翅不敢鳴垂簾暝坐日卓午冰枕
欲喝酒盞輕匹如大明圓鏡照無二煩惱界中結靜意云何
熟客內熱煎招涼無計枯心泉黃塵奔競隴望蜀或憑爲山
鏤作玉豈知一甌沁骨可療饑清風習習攄雙眉世間豈必
無冷境胡爲日與夏蟲隨君不見桃笙穩臥北窗下何異杜
陵野叟赤腳時

病中

翻漿熱惱境濛濛少卸輕綿寒早攻千里有家迷客夢一燈
無燄冷秋蟲數殘漏點頻聽雨剛見晨光又畏風太息倚閭
念子季北鴻正阻病愁中

病未愈憶家

營騰獨睡向誰愁落葉聲疎最感秋養疾不忘薪米苦得生
空作稻粱謀年如雲影沉沉過心似風帆漸漸收我有高堂
已垂白故交何事尙稽留

舟子嘆

秋陽一何驕乘舟熱可避可憐操舟人所事等兒戲未昏便
偃息破曉尙高寐行不二三里歇已七八次相望百十程日
不及三四挖工與撐篙大率皆瘡痍向余前致辭上閭頗非
易長繩百丈牽風水俱不利請公多覓夫祈公厚賞賜僕人

語喃喃遣日苦多費聽我僱車行正可及期至余爲笑謝之
兩說均可置遲速會有時人生值如寄當窗受涼風吾以適
吾意

王

字西澠號訥堂錢塘人杭府拔貢生官縉
詒雲訓導宣平教諭著僊都百詠僊都雜詠

仙都山

按志古名縉雲山道書洞天三十六所仙都第二十
九名元都祁先洞天周回三百里黃帝駕火龍上升
處山巔有石屋世傳爲洞天之門

曾記山呼萬歲年雲璈餘響五雲偏含烟古洞仙踪渺浴日
高池斗宿連始到元都真得地况聞黃帝此昇天圖經屢齒
須參印攬勝期探最上巔圖經云唐天寶七年六月八日彩
雲自天降李溪源覆繞縉雲山獨峯
之頂忽雲中仙樂響空鶴鶴飛舞
仙又聞山呼萬歲者九諸山皆應

獨峯書院

按續文獻通考朱文公持常平節過縉雲以伺朝旨
愛其山水似夷武嘉定中郡人葉祠昌建

朱山秀絕五雲中遺址蒼涼對獨峯千載常平畱善政一時
過化挹光風修筠碧澗階除淨清賞微言巾屐同多少品
芳躅在瓣香我企紫陽翁

孫宗濂

字栗忱號隱谷仁和人乾隆甲子舉人

湯禮祥曰先生壯歲舉於鄉一試禮部不售遂絕意仕
進築壽松堂儲羣籍於中與武林藏書家相埒性異於
人者三生平不就人飲而座客常滿一也喜接引寒賤
遇高位則望望然去之二也尤好施與無倦容而獨爾
慈氏種福之說三也年
四十三而歿時論惜之

琴臺

空山秋更佳散步入林薄雲松接孤亭風篁響幽閣娟娟南

屏山疊石翠參錯壁立類削成古藤互纏絡上有海岳書筆
力思揮霍琴聲久寂寥天籟自蕭索俯視西子湖澄泓只一
勺晴空展高眺閒情時領畧拂蘚坐石牀蟾光忽已落

添綫詞

窗紗映日紅旖旎芙蓉帳中人曉起點罷胭脂九九圖怯寒
小坐蘭閨裏拈得金鍼繡綺羅鴛鴦紫鳳兩如何紫鳳雲中
紛五色鴛鴦池面蹴圓波唾絨點點花磚冷暈碧裁紅出新
穎正是停鍼不語時隔簾暗度梅花影

游韶光禪院

陰森萬竹藏禪扉靜中忽聽鐘聲微雲烟深處盡欲暝風雨
到來泉亂飛寺僧洗鉢石邊坐村叟負薪林外歸行吟幽徑
不覺晚紛紛涼月侵人衣

兩浙蘭軒錄卷二十三

兩浙蘭軒錄卷二十三